

International  
call **48t**  
per min

ALL DAY  
ALL NIGHT!

Use Citifon, Fixed Wireless phone & Prepaid Landline to call Australia, New Zealand, China, India, Fiji, Philippines & Malaysia this XMAS and enjoy the **LOWEST** Call Rate.



24/7 Customer Care on 345 6789 | website: www.telkompng.com.pg

# APNG balus birua ripot i kamaut pinis

- Propela bilong balus P2 – MCJ i abrusim spid mak bilong en;
- Bilak bokis i soim sampela sain;
- Nupela painimaut i ken senisim dispela ripot;
- Ai bilong pailot bagarap liklik; na
- Ol i mekim balus long 1988.

**Lukim stori insait – PES 3**

Moa  
stori  
insait

Catholic Reporter insait- p9, 10,23, 24

Wes Nu Briten opim nupela teknikal skul- p7

Ramu Nikel projek redi long kirapim wok -p26

**3G**

## Intanet long poket

Wantaim Nambawan  
Veliu Huawei 6150



**K199**  
Tasol

Call 123  
[www.digicelpng.com](http://www.digicelpng.com)

**Digicel**  
broadband

Terms and conditions apply.

# GLOBE

...the perfect choice

## VITAMIN ENRICHED

More Easy, More Tasty, More Healthy.



# Telikom lonsim Krismas promosen



Antap: Soim Telikom PNG Xmas Promotion  
Ol bosman bilong Telikom: (L - R) Xavier Victor, Het bilong Komesal, Brian Sam, Het bilong Senis Menesmen na Transfomesen, na Peter Kokoani, Het bilong Riteil. Ol i lonsim Telikom Krismas promosen long winim dispela Nissan Navara.



Bungim nius manmeri long lonsim promosen  
Ol i toktok long nius manmeri baihai long lonsim bilong Krismas promosen.

## TELIKOM PNG i amamas long karim Krismas kam klostu wantaim bikpela promosen bilong ol.

Nogut yu ting Krismas longwe yet, tasol, Telikom PNG, i lonsim Krismas promosen bilong ol long Fonde wik i go pinis long Telikom Rumana.

Na sapos yu laki, husat save, nogut you amamasim nu yia bilong yu wantaim wanpela nupela Nissan Navara.

Telikom PNG Het bilong Komesal, Xavier Victor, i tokaut olsem i gat tripela kain promosen ol bai karimaut i go inap long pinis bilong mun Disemba.

Namba wan promosen em i 'Top Ap na Win'.

Yu mas top ap long go insait long dro long winim dispela Nissan Navara.

Antap long dispela kar, sapos yu laki, bai yu kism K100 fri kredit long sik bilong olgeta wik.

Yu ken topim ap Citifon bilong

yu, o baim Telikad long mani mak K5 i go antap long K100. Yu ken topim ap Telikom Intanet Modem bilong yu tu.

Sapos yu top ap planti taim, yu bai gat planti moa sans long win.

Namba tu promosen bai lukim manimak bilong mekim intenesenel kol em i go daun olgeta long 48 toea long wanwan minit, long de na nit wantaim. Dispela em long sevim ol intenesenel komyuniti long PNG, na manmeri husat i gat ol lain o poroman bilong ol i stap long ovasis long tok halo long Krismas taim.

Na laspela promosen em bilong ol manmeri husat i save yusim Telikom Modem long kism intanet. Mani

mak em i go daun long 19 toea long wan mega bait. I no olsem bipo i bin stap 29 toea long wan minit.

Yu top ap long Citifon, mekim intenesenel kol o top ap long modem, bai yu go insait yet long dro long winim dispela Nissan Navara.

# Nius manmeri i kism save long maining na petroleum indastri

Aja Alex Potabe i raitim

**WANPELA maining janel bilong Ingran i bin kamapim wanpela spesol saplaman long PNG maining indastri, na wol i nau putim ai long PNG, bikos planti maining na petroleum projek i kamap long kantri.**

PNG Semba Bilong Maining na Petroleum i tok planti maining na petroleum kampani i resis long kism eksploresen laisens long kam insait long PNG long painim wel, ges, gol na ol arapela mineral.

Eksekutiv Dairekta bilong Semba, Greg Anderson, i tokim ol nius manmeri long wanpela bung long Lamana Hotel long Fraide na Sarere wik i go pinis, olsem maining na petroleum indastri em i groa, na yumi mas save olsem wanem ol dispela samting i wok long kamap.

Dispela bung em bilong ol nius manmeri long kism moa save long maining na petroleum sekta, na planti nius manmeri bilong kampani, na ol bos manmeri bilong sampela kampani tu i bin kam harim.

"Long ol manmeri nating, maining na petroleum indastri em i hatpela samting long save bikos em i sains na teknoloji. Tasol ol nius manmeri i namba wan manmeri husat bai save pas, na tokim ol arapela manmeri, na skulim ol long save moa long wel, ges na maining sekta," Anderson i tok.

Konsalten bilong Capital Group, Brian Gomez, husat i ronim dispela bung, i tok, ol nius manmeri i mas save pas long loa bilong dispela tupela namba wan risos.

Em i tok wel na ges i save mekim bikpela mani bilong sapotim ekonomi bilong kantri, na em i wanpela kain bisnis we yu i ken lusim bikpela mani tu.

Gomez i tok i gat sevenpela maining i stap long PNG i save mekim 60 pesen winmani bilong gavman.

Ol dispela wok maining em; Porgera, Ok Tedi, Lihir, Tolukuma, Hidden Valley, Sinivit, na Simberi. I no long taim Solwara 1 na Ramu Nikel Main bai kamap bikpela projek.

Frieda River Projek, Wafig o l p u ,

Yandera na Woodlark bai kirap klostu taim tasol, na bai kamap bikpela maining tu.

Long sait bilong petroleum, PNG i gat ges fil long Hides, na wel fil long Gobe, Kutubu, Moran, na S.E. Mananda.

Oil Search i bin lukautim dispela i stap, na nau ol bai joinim ol dispela fil long kamapim bikpela PNG LNG Projek. Esso Highlands bai ronim LNG Projek.

I no long taim tu, InterOil bai kamapim Gulf LNG Projek, Horizon Oil Ltd bai ronim Stanley Gas Projek, na Talisman Energy Ltd bai operetim Pandora.

Kantri Menesa bilong Esso Highlands Ltd, Peter Graham, i bin kam tokim ol nius manmeri, long olsem wanem dispela PNG LNG Projek i ron.

Em i tok dispela bikpela 15 milian dola projek i ron gut.

Graham i tok planti kontrekta i mekim wok long Hides Ges Kondisening Plant, Komo ples balus, paip lain long graun na aninit long solwara, na refaineri long Papa Lealea klostu long Mosbi.

Em i tok LNG Projek em i kamap gut tru, na ol bai salim namba wan ges bilong PNG i go long China, Japan na Taiwan long yia 2014.

## OL HAP HAP NIUS

### Morobe pipel mas stap gut wantaim ol narapela

ASKIM i go aut long ol pipel bilong Morobe provins long luksave long loa na stap gut wantaim pipel bilong hailans rijen na ol narapela provins.

Long wankain taim tu, askim i go aut long Morobe Provinsel Gavman long K7 milian i stap we bikos ol i ken yusim dispela mani long helpim polis na ol loman long wok bilong daunim loa na oda hevi long Lae siti na provins.

Dispela K7 milian em mani we Morobe Provinsel gavman i bin winim long kotkes agensim stet long rausim ol polis bilong Australia i helpim ol polis bilong PNG i daunim loa na oda hevi 4-pela yia i go pinis na ol narapela kotkes we Gavana Luther Wenge i makim Morobe Provinsel gavman bin kism i go long kot na winim.

Khay Takiseng em wanpela komyuniti lida na siaman bilong Kamkumun setelmen komyuniti i gat namel long 15 na 16,000 pipel na i stap long boda bilong Huon Galp, Nawaeb na Lae Open.

Mista Takiseng i sutim tok i go long Morobe Provinsel Gavman long hevi long Lae siti i bin stat yet long las wik na nau, ol ripot i tok 7-pela pipel i dai long en.

Em i tok polis na ol risev polis wantaim long Morobe i laikim tru helpim long sait bilong moa woklain na ol kar long karimaut gut wok na dispela K7 milian i ken helpim tru ol polis long Morobe.

### Amuna askim Laloki komyuniti long helpim wok painim

JENEREL Sekreteri bilong Komyuniti Helt Wokas Asosiesen, James Amuna, i askim polis komanda long Sentrel provins na ol papagraun long Laloki ausait tasol long Mosbi, long helpim wantaim wok bilong painim ol lain i kilim dai tupela man bilong Laloki Mentel Haus sik i gat sik long het .

Tupela sik man i bin stap namel long 13-pela sik lain i bin ronawe long Laloki Haus sik las wik we sampela lain i bin kilim dai tupela bilong ol na tromaom ol long Laloki Wara.

Mista Amuna nau i askim ol helt atoriti long rausim Sif Eksekutiv Opisa billong Laloki Haus sik long wanem, em na HR Menesa bilong em i kism tasol ol meri woklain na rausim ol man, na dispela i kamapim hevi we ol sikman i ronawe.

Long keis bilong Laloki, i mas gat ol strongpela man woklain long kontrolim ol man siklain husat i gat strong na ronawe na mekim ol samting i ken kamapim birua long ol yet na ol woklain.

## Yumi no fri long sik AIDS

Paul Fuzo i raitim

SEPIK Senta Ov Hop, wanpela ogenaisesen we Katolik As-Daios bilong Wewak i go pas long em, i wok strong tru long pait agensim sik AIDS insait long provins bilong Is Sepik na tu, Sandaun Provins.

Sik AIDS i no birua bilong wanpela provins tasol o pipel o bilong ol waitman ol bilakman bilong narapela kantri; Sik AIDS em i birua bilong ples graun.

Olsem Papua Niugini, wanpela kantri we i bilip long fridom na demokrasi.

Fridom long stap insait long gavman we pipel yet i makim na givim pawa, fridom long pipel i ken toktok long ol isiu, autim tingting wantaim nogat pret, fridom bilong kism helpim bilong Loa, kism save, fridom bilong Lotu na pipol i free long stap long wanem hap ol i laikim long stap long em.

Dispela i soim tru, yes Papua Niugini em i trupela Demokratik Sosaiti. Tasol bikpela askim em, i tru yumi fri? em askim we yumi wanwan bai askim yumi yet; bilong wanem, Sik AIDS nau bai salensim fridom bilong

yumi. Is Sepik na Papua Niugini olgeta yumi no fri long Sik AIDS na dispela em i bikpela salens tru we Is Sepik Senta Ov Hope i karim long skulim na helpim ol pipel long abrusim dispela sik nogut.

Is Sepik Senta Ov Hope i wokim planti wok long givim HIV na AIDS volantri konfidensol VCCT Testing, Ke Sapot na Tritmen Sevises bilong ol man na meri husat i laik save moa long dispela Sik na tu husat i kism dispela sik pinis.

ISCH i ronim tu planti tok awenes program na ol bikpela toktok we i save kamaut em banisim, ke na tritmen em i bikpela samting taim yumi lukluk long helpim husat ol man na meri i kism pinis dispela Sik AIDS.

Senta i save yusim tu ol drama pilai long soim na skulim ol pablik long wanem rot ol manmeri inap kism dispela sik na tu we sik AIDS i save kilim dai ol manmeri na wanem rot manmeri inap kism helpim sapos ol i painimaut olsem ol o ol famili memba bilong ol i kism o i gat dispela sik AIDS.

# APNG balus birua ripot i kamaut pinis

Aja Alex Potabe i raitim

**AIRLINES PNG balus P2-MCJ i bin painim balus birua long Marakum ples, Madang Provins, long Oktoba 13, na kilim 28-pela pasindia bikos propela bilong balus i bin abrusim spid bilong en.**

APNG flait CG 1600 i bin painim birua taim propela bilong dispela DHC-8-103 i ron ariap tru, taim Kepten Bill Spencer i flaim dispela balus i kam long Nadzab, na em laik i go long Madang.

Balus birua em i kamap long 33 kilomita arere long Madang ples

balus long taim 5:17 pm, tasol laki foapela manmeri tasol i bin abrusim dai bilong ol.

PNG Eksiden Investigesen Komisn (PNG AIC) i mekim wok painimaut pinis, na long las wik Fraide, ol i rausim dispela ripot i go long pablik.

Ol i kamapim dispela ripot taim ol i sekim ensin bilong balus, ples we balus i pundaun long en, na askim pailot na ol manmeri long Marakeum ples long stori long birua.

Bilak bokis (Black Box) bilong dispela balus i stap yet long Kanbera (Canberra), Australia, na em

i soim sampela gutpela sain.

Bilak bokis i save holim Kokpit Vois Rekoda (CVR) na Flait Data Rekoda (FDR). Dispela i save rekodim olgeta samting i kamap long balus.

Ol man long Australia i mekim wok painimaut yet long CVR na FDR.

Tasol PNG AIC i tok ol i mekim yet wok painim aut, na nupela painimaut i ken senisim dispela ripot.

Dispela ripot i tok, long 5:15 pm long Oktoba 13, belo bilong givim waning o tok lukaut olsem propela i ron hariap tru, i bin krai in-

sait long kokpit.

I no long taim, tupela propela wantain i bin abrusim nomol mak bilong ron, na i go antap long 60 pesen na, i bin ron spid tru.

Ol ples manmeri long Marakum i tok ol i bin harim bikpela pairap taim dispela i bin kamap.

Long 5:17 pm, Kepten Spencer na Fes Opisa Campbell Wagstaff stopim tupela ensin wantaim, na tokim Ea Trefik Kontrola (ATC) long Madang olsem, tupela i pundaunim balus.

Ripot i tok balus i bin pundaun arere long wara Buang, we nogat planti bikpela diwai i groa long en.

Tasol taim balus i pundaun na bam wantaim ol liklik diwai na graun, paia i bin kirap long ensin.

Ol ples manmeri i go na lukim bikpela paia i kirap long balus na kukim olgeta pasindia insait.

Tasol laki na fopela man tasol ol i sevim laip bilong ol.

PNGAIC i painimaut olsem Kepten Spencer i bin 64-pela krismas na i gat bikpela ekspiens long flaim balus, tasol ai bilong em i bagarap liklik.

Bombardier Inc. long Canada i mekim dispela balus DHC-8-103 long yia 1988.

## IPA na Post PNG mekim isi long rejistarim bisnis

Aja Alex Potabe i raitim

OL liklik bisnis bai nau i gat sans long yusim Pos Opis long rejistarim ol yet wantaim Invesmen Promosen Atoriti (IPA).

Post PNG na IPA bai nau wok bung wantaim long halivim planti pipel kisim servis long IPA long rejistarim kampani or inkoperetim asosiesen.

Long Mande tasol, IPA na Post PNG i sainim wanpela MoU agrimen, long larim Post PNG na IPA i wok bung wantaim long kamapim PNG wanpela gutpela ples long mekim bisnis.

Sif Eksekiyutip Opisa bilong Post PNG, Peter Maiden, na Menesing Dairekta bilong IPA, Ivan Pomaleu, i sainim dispela MoU agrimen long nupela Haus Post long Konedobu, Mosbi.

Maiden i tok em i amamas tru long larim olgeta post opis long PNG kamap olsem bisnis senta, we ol manmeri bai yusim dispela nupela servis long rejistarim kampani, o inkoperetim asosiesen.

Post PNG i gat 49-pela pos opis olgeta long kantri, na dispela bai mekim rot, long IPA bai karim servis go daun olgeta long planti manmeri long grasruts level.



**SAINIM MOU AGRIMEN:** Tupela bosman yet: (L - R) Sif Eksekiyutiv Opisa bilong Post PNG, Peter Maiden, na Menesing Dairekta bilong IPA, Ivan Pomaleu, i sainim dispela MoU agrimen long nupela Haus Post long Konedobu, Mosbi.

Pomaleu i tok, aninit long dispela agrimen, Post PNG bai kisim IPA rejistresen fom long olgeta pos opis.

Olgeta fom bai stap long pos opis tasol, nau yet ol bai kik staim wantaim Mendi, Kimbe, Lorengau, Kavieng, Popondetta, Aitape,

Kainantu, na Kiunga post opis.

Bisnis manmeri bai pulmapim dispela fom pinis na, bai ol i yusim Ekspres Mail Sevis (EMS) bilong Post PNG long salim fom i go bek long IPA.

Taim ol bisnis manmeri i

aplai pinis, IPA bai salim i go bek setifiket bilong ol long pos opis tu.

Pomelau i tok dispela agrimen wantaim Post PNG bai halivim planti manmeri long kisim servis bilong IPA, na mekim isi long mekim bisnis gut.

## Lukautim gut ol meri

Bustin Anzu i raitim

POLIS insait long Nesanel Kapitel Distrik (NCD) i givim bikpela tok lukaut long papamama na tu ol meri, long lukautim ol yet long dispela taim long wanem, pasin bilong bagarapim ol meri i wok long kamap bikpela insait long siti.

NCD Polis Komanda Suprintenden Joe Tondop, i tok dispela hevi bilong reip i go bikpela long wanem, planti bilong dispela em ol meri i no save lukautim ol yet na wokim ol rabis samting na ol man i save bagarapim ol.

"Pasin bilong bagarapim ol meri i go bikpela insait long siti na ol papamama mas lukautim ol gut. Noken larim ol pikinini meri i go kam long skul o pilai graun na stoa o maket ol yet. Ol mas gat sampela lain i was long ol i go kam.

"Mipela i painim planti pasin bilong bagarapim meri i wok long go bikpela nau. Krismas taim tu i kam klostu na ol pikinini meri bai laik long raun ol yet na ol i ken kamapim dispela kain birua isi tru," em i tok.

Em i mekim dispela tok lukaut bihain long painimaut olsem insait long tupela wik, i gat samting olsem 6-pela reip.

Na em ol dispela reip pasin i kamap long ol lain we ol meri i save long ol olsem ol save stap long wanpela hap o ol lain bilong ol yet.

Long wanpela bilong ol dispela pasin nogut long ol meri, wanpela 9-yia pikinini meri em wanpela mangi bilong Nuku, insait long Wes Sepik provins i kisim em long Gordon maket na karim em igo long Erima na wokim pasin nogut.

Em i tok em i giamanim em wantaim wanpela wantok bilong em na kisim igo olsem long Moitaka wara na baksait long bus na rausim klos bilong meri na pusim pinga long samting bilong meri inap meri i kisim bikpela bagarap na krai.

Taim em i krai, em i poretim meri olsem em bai kilim em. Taim em i lukim pikinini meri i krai, em i lusim na tokim narapela wantok bilong em long go lukim meri.

Dispela meri igo long pikinini meri na putim samting long maus bilong meri na bagarapim em.

Tondop i tok dispela mangi Nuku em i save stap wantaim wanpela wantok polisman bilong em long Gordon polis bareks na liklik pikinini meri tu i wankain.

Bihain long bareks, meri i lukim mangi na toksave long ol lain bilong em na ol i kisim em i sasim em long dispela pasin.

Tondop i tok ol lain i save long ol meri na wokim dispela na ol ino wokim nating olsem na ol mas was gut long ol pikinini meri bilong ol.

# Maining na petrolium loa bilong PNG i winim planti ol arapela long wol

**TAIM sampela lida man na ol saveman i tingting long senisim loa bilong gol, ges na wel long PNG, wanpela biknem petrolium ensina na konsalten i lukim, loa bilong maining na petroleum i gutpela tru.**

Edvaisa bilong petrolium long Petrolium na Eneji Dipatmen, Mick McWalter, i tokim ol nius manmeri na ol arapela manmeri husat i kam long ol narapela mining na petrolium kampani olsem, loa bilong ges na wel long PNG em i stap gut tru stret.

McWalter i bin holim bikipela wok long Afrika, Yurop, na Australia wantaim sampela bikipela petrolium kampani, na gav-

man bilong ol dispela kantritu.

Nau em i etvaisa bilong Wol Benk na PNG Dipatmen bilong Petrolium na Eneji.

Em i tok polisi bilong rausim wel na ges long kantri olsem Ghana na Nigeria i no gutpela tumas, tasol PNG em i gat gutpela loa na polisi.

"Wel na Ges Act 1998 em i gutpela na stretpela tru. Loa i stap gut na planti kampani ol i resis long kam insait long kantri na kamapim petrolium na maining projek.

Ol i no kam insait nating. Ol i bihainim loa long kam insait.

Ol givim mani long gavman long lukautim pipel,

tasol gavman i save paulim mani bilong pipel. Loa em i stap gut tru tasol ol lida man yet i no bihainim loa," McWalter i tok.

Sif Opereting Opisa bilong Papuan Precious Metals (PPM), Dokta Mathew Lindley, i tok, maining loa tu i stap gut stret.

PNG i gat 7-pela maining olgeta na, gavman i no save yusim gut hamas milian kampani i save givim long en olsem takis mani.

"Gavman i no save yusim dispela mani long stretim rot na bris, o haus sik na skol. Olsem na planti papagraun i save komplek long gavman, na sampela taim ol i save tingting long stopim projek. Gavman i no save bihainim loa long

mekim stretpela wok na pipel ting loa i no stap gut," Lindley i tok.

Dokta Lindley, husat i bin stap 30-pela krismas long PNG, i tok planti maining i kamap long PNG, na gavman i mas mekim wok gut long sevim pipel.

Sampela lida man na ol biknem loya tu ol i tingting long senisim dispela loa.

Bipo praim minista na gavana bilong Nu Ailan, Sir Julius Chan, i save tokaut planti taim long senisim dispela loa na givim pawa i go bek long papagraun bai ol yet bosim risos bilong ol yet.

Sir Julius i save tok ol foren kampani i wok long

paulim manmeri na mekim nambaut nambaut.

Wanpela biknem loya man, Peter Donigi, i save mekim dispela toktok tu. Em i save tok papagraun i mas lukautim olgeta samt-ing aninit long graun o wara bikos em pasin bilong yumi Melanesia manmeri.

Donigi i save tok loa bilong yumi i kam long loa bilong Ingran. Dispela loa tok orait long gavman long bosim ol samtng stap 6 fit aninit lon graun na wara or antap long sky.

Tasol long PNG Donigi i bin tok, ol bai senisim loa long larim papagraun yet i lukautim graun na risos wantaim.

## Lae hevi kam yet - Basil go pas long strongim polis

### Bustin Anzu i raitim

HEVI bilong Lo na Oda i no pinis yet long wiken, tasol skruim i kam long dispela wik.

Ol bisnis na gavman sevis i op gen bihain long ol lidaman i toktok wantaim tupela sait wantaim long dispela wik.

Sapos dispela tupela grup polis bilong Pot Mosbi na Wabag, 120 polisman i no go long Lae long wiken, planti samtng bai inap long bagarap.

Dispela em long wanem, namba bilong polis long Lae i no inap long holim dispela kain namba.

Namba bilong ol manmeri i dai long Lae i no kamap gut yet.

I gat stori olsem 6-pela i dai. Tupela em marit na tupela i save stap long Pohoum, long antap long Busu maunten.

Dispela tupela marit i longpela taim stap long dispela hap bihain long tupela i kisim blok.

Man bilong Lufa na meri ol i tok asples. Man em ol i kilim em i dai long ai bilong liklik pikinini meri bilong em husait i gat tupela yia. Na meri bilong em i ronowe i go na ol i painim em na kilim em tu.

Ol polisman i kisim bodi i go long mog. Polis em i stap wantaim ol polis famili long Lae.

Bosman bilong polis long kantri, Eking Polis Komisina Tom Kulunga, i bin go long Lae long makim Gavman na Minista bilong Plening na mangi Lae yet Sam Basil i bin stori wantaim ol mangi Morobe na kisim wari pepa bilong ol.

Kulunga i askim tupela grup wantaim long stopim pait na i no ken kamapim birua gen insait long siti, long wanem, Lae siti em bilong olgeta man na ino bilong wanpela man tasol.

Morobe Provinsel Gavman long bung bilong ol o Tutumang i bin pasim 21 resolusen na kamapim tu wanpela tim bilong mekim wok painim aut long wanem samt-ing kamap na igo bikipela na bringim dispela bikipela hevi igo long Lae siti.

Wanpela bilong ol dispela risolusen, Gavana Luther Wenge i tok em long rausim ol manmeri husat i stap nating long graun bilong Gavman na i nogat taitol long stap long en.

Wenge tu i tok long em i no laikim Stet Ov Imejensi long wanem, ol bisnis na Gavman sevis i go bek gen na ol manmeri i go

bek long ol wok bilong ol.

Tasol ol sios insait long provins i les pinis long dispela hevi na laik bai dispela Stet Ov Imejensi long i go het yet, inap sampela taim bihain taim olgeta hevi i pinis na ol manmeri i fri

long wokabout.

Basil, em tu Memba bilong Bulolo, i tok em bai baim 12-pela nupela kar bilong Lae polis na tu givim 100 polis risev long lukautim na helpim ol polis bilong Lae pastaim.

Morobe Gavman tu i makim pinis K100, 000 i go long wok bilong lo na oda insait long siti.

**Lukim ol arapela stori long pes 15...**

## TELI update

### Telikom PNG Krismas Promosen

Amamasim dispela Krismas wantaim Telikom PNG long sevim moa mani na winim planti bikipela prais.

#### •Intanesenel Kol long 48t long wan minit

Yusim Citifon, Fiks waiales fon na pripeit lenlain na ringim olgeta famili long Australia, Nu Silan, Saina, India, Fiji, Filipins na Malesia long 48t long wan minit tasol OLGETA DE, NA OLGETA NAIT.

#### •TOP AP NA WIN

Topim Ap vois o data akaun wantaim K5 o i go inap K50 Telikad, na yu bai go insait long ol wikli droa bilong winim K1000 long Telikad tasol. O baim wanpela nupela Citifon, Fiks Waiales Fon o Intanet modem long kisim fri K20 Telikad. Top ap long nupela koneksen bilong yu long go insait long ol droa. Olgeta Top Ap entri bai go insait long olgeta droa na bikipela Gren Prais Droa long winim wanpela Nissan 4-Dua kar. Moa Top Ap yu mekim, moa sans bai yu gat long win.

#### •19t long wan Megabait Enitaim

Amamas wantaim namba wan spid brausing wantaim 3G na 4G intanet sevis bilong Telikom, long ol liklik ret tru, olsem 19t long wan MB ENITAIM. Hariap! Baim wanpela intanet modem o Wimax tude na yu ken yusim ol intanet ret we i tamblo tru long dispela Krismas. Promosen i op long Novemba 4, 2011, na bai ron i go inap long pinis bilong Krismas.

#### We bilong Top-Ap bilong Vois na Data akaun

Nau, we yu ken yusim Telikad olsem wanpela top-ap kad, yu ken risasim ol Telikom EVDO intanet modem, Wimax, Fiks Waiales Fon na Citifon akaun.

- Vois Akaun
- Dailim 1255 bihain bihainim tok stia i go
- Presim 2 bilong risasim akaun bilong yu
- Presim 1 bilong vois akaun
- Presim 2 bilong risas, yusim Telikad
- Givim kad namba bihain presim # ki
- Givim fon namba bihain presim # ki.

#### • Data Akaun

Taim yu topim ap data akaun bilong yu, yu mas tok kliia wanem akaun yu laik risasim; olsem, Fiks Waiales Fon data akaun o EVDOP dongle akaun. Tok makim ol dispela akaun taim yu givim stretpela ol namba bilong ol lain i yusim.

- Dailim 1255 na bihainim ol tok stia
- Presim 2 bilong risas
- Presim 2 bilong risas yusim Telikad
- Givim yusa namba bilong yu, na presim # ki
- Bihain, givim pripeid kat namba, na presim # ki.

### ENJOY PNG's BEST RATES WITH Citifon

	CITIFON	PREMIUM
CITIFON TO CITIFON	2t	1t
CITIFON TO Remobile or DigiCell	39t	10t
CITIFON TO LANDLINE	29t	
CITIFON TO FIXED WIRELESS	29t	

Ol Ret i stap Olgeta De na Olgeta Nait!



# MASSIVE HOME FURNITURE

## CHRISTMAS CLEARANCE SALE!!

DON'T MISS THIS!!

# UP TO 60% OFF

## EVERYTHING FOR THE MODERN HOME!!

HURRY WHILE STOCKS LAST!!

### ONLY AT THEODIST

## CALL OUR SALES TEAM TODAY!

WAIGANI DRIVE, PORT MORESBY  
Ph: 325 6500 Fax: 325 0302 Email: sales@theodist.com.pg  
MARKHAM ROAD, LAE CITY  
Ph: 472 5488 Fax: 472 7838 Email: saleslae@theodist.com.pg

THE STATIONERY SUPERMARKET

# Wes Nu Briten opim nupela Teknikal Kolis

**TEKNIKAL Vokesenel Edukesen Trening (TVET) sistem long PNG nau i gat nupela seksen bilong em yet insait long Edukesen Dipatmen.**

Eking Edukesen Sekreteri, Dokta Joseph Pagelio, i tokaut long dispela samting long lons bilong Moramora Teknikal Kolis olsem Wes Nu Briten Teknikal Kolis long las wik Fonde.

Dispela em i namba wan bikpela kolis ol i kirapim long Wes Nu Briten provins we provinsel gavman na pipel i amamas long i gat long en.

Praim Minista, Peter O'Neill, Wes Nu Briten Gavana, Peter Humphries, na ol bikman bilong provinsel gavman wantaim ol bik-

man bilong Edukesen hetkota na TVET divisen long Hetkota long Mosbi na pablik long Kimbe taun i bin stap long selebretim opim bilong kolis.

Long toktok bilong em, Dokta Pagelio i tok PNG i sot long ol teknikal woklain we i skul long ol TVET skul na kolis.

Olsem na em i tok kantri (PNG) i mas developim TVET sekta bikos em i gat bikpela wok long kamapim ol wok manmeri we ol i laikim long ol maining, wel na ges projek long PNG.

2005-2014.

Dokta Pagelio i tok tu olsem kirapim Wes Nu Briten Teknikal Kolis i bihainim PNG Visen 2050 we i luksave olsem wan wan

provins long kantri i mas gat mali disiplineri teknikal kolis, wan wan politeknikal institute long 4-pela rijen bilong kantri na wan wan komyuniti kolis longbg ol wan wan distrik.

Dokta Pagelio i tok bikos ol i wok long mekim TVET seksen i go bikpela, Edukesen Dipatmen i tok oraitim long kamapim nupela wing bilong em yet.

"Dispela nupela wing em, Fes Asisten Sekreteri bai go pas long en na wok wantaim tupela asisten sekreteri na wanpela dairekta bilong Komyuniti Kolis. Ol i wokim ol eking apoinmen pinis long las mun na ol opisa i stat wok pinis," Dokta Pagelio i tok.

Em i tok tu olsem liklik lain

sumatin tasol i save go long ol yunivesiti na gavman i mas painim narapela rot we planti ol skul pikinini husat i no inap skruim skul bilong ol bihain long Gret 8, 10 na 12 i ken go long em.

"Sanapim ol TVET institusen olsem Wes Nu Briten Teknikal Kolis bai helpim planti ol sumatin long kisim teknikal trening na resis long kisim wok," Dokta Pagelio i tok.

Em i tok tu olsem ol i kirapim WNB Teknikal Kolis bikos Wes Nu Briten Provinsel Gavman wantaim lidasip bilong Gavana Humphries i bin gat Visen o driman long lukim ol sumatin i skul na greduet wantaim ol gutpela save long teknikal sait na resis long wok maket wan-

taim ol kampani na bisnis long provins yet na kantri na tu, ovasis. Na ol i no inap go ausait long provins long kisim dispela save, tasol skul long provins yet.

Dokta Pagelio i tok WNP Provinsel Edministresen na TVET komiti i bin wok bung wantaim Edukesen Dipatmen na TVET seksen bilong em long redim, stretim na kamap wantaim wok long kamapim WNP Teknikal Kolis we ol i bin opim las wik Fonde.

Dokta Pagelio i bin autim luksave na tok tenkyu i go long Nu Briten Welpam na bisnis komyuniti long Wes Nu Briten long gutpela sapot long givim wok na prektikel wok long ol sumatin bilong Moramora Teknikal skul long ol yia pastaim i kam inap nau.

## Dijisel woklain kisim helt trening

WANPELA bikpela mobai kampani long kantri em Dijisel, i wok long putim ol woklain bilong em long kisim infomesen na awenes long ol samting we bai mekim ol i stap helti na kontribut gut long famili, komyuniti, wokples na kantri.

Long dispela wik, Populesen Sevis Intanesenel i bin givim tupela de trening long ol Dijisel wok manmeri long famili plening na seks edukesen we i kamapim rot bilong spesim ol pikinini, abrusim meri i karim bel taim ol i no redi long en, ol seksueli trensmittit sik o STI, skul pastaim long pikinini i kamap, kaunseling na menesim sapos tupela marit i no inap karim bebi.

Ol wan wan sesen we ol i bin gat long skul trening em long komyunikesen we ol lain i bin sindaun long kos i bin kisim skul long kisim strong long toktok wantaim patna bilong ol, ol famili plening rot, spesim pikinini na kondom o karamap bilong man na meri.

Trening program ya i bihainim Sijiskills Laip Diploma Program kampani i kamapim wantaim as tingting long helpim na skulim ol wok manmeri bilong em long ol isu bai helpim ol long gat helti na gutpela laip.

Sif Eksekutyutiv Opisa bilong Dijisel, John Mangos, i tok dispela program i bin stat long mun Epril long dispela yiana ol

woklain i kisim pinis skul long fainens, sik suka, malaria, TB. Tu, ol woklain i wok long kisim ol fri tes long Kaugere Mobail Helt Klinik we Dijisel Faundesen i givim fanding sapot long en.

Long wankain taim, ol sumatin na tisa long Keltiga Komyuniti Lening Senta (CLC) long rurel eria bilong Westen Hailans provins nau i amamas long sindaun insait long gutpela pemanen klasrum na kisim lainim.

Dispela i kamap wantaim helpim bilong Dijisel Faundesen i bin lusim K85,000 long wokim wanpela dabel klasrum ol bin opim long dispela wik Mande.



**NUPELA EKSREI MASIN:** Dokta Chris, meri bilong em Dokta Tanya Ihje, Dokta Freda Maku na radiografa, Galun Maku i amamas long kisim ol nupela masin long Gaubin Haus sik. *Poto: Se Peter Barter*

## Gaubin Haus sik i kisim nupela Eksrei masin

**Veronica Hatutasi i raitim**

SAMTING olsem 60,000 pipel long Karkar na Bagabag Ailan long Madang provins bai kisim bikpela helpim stret long taim ol i sik, na tok tenkyu i go long Melanisen Faundesen na ol dona poroman bilong ol long baim wanpela nupela Eksrei masin na narapela masin moa bilong Gaubin Haus sik long Karkar Ailan.

Siaman bilong Melanisen Faundesen na bisnisan long Madang we pipel i gat gutpela luksave long en, Se Peter Barter, long dispela wik i bin go long Karkar Ailan long lukim kamap bilong Eksrei masin long Gaubin Haus sik we Luteran Sios i papa long en.

Se Peter i tok dokta na Sif Eksekutyutiv Opisa long Gaubin Haus sik, Dokta Christopher Ihje i bin putim askim i go long

Melanisen Faundesen long wanpela Eksrei masin bilong Gaubin Haus sik bikos Nesanel Helt Dipatmen na Madang Provinsel Gavman i no givim gutpela bekim long askim bilong ol long dispela samting.

Ol lain i bin bungim mani long baim dispela Eksrei masin em long ol biknem famili long Madang olsem Abela, Middelton na Barter famili, wanpela asples man i no laik bai nem bilong em i kamap long midia, kongrikesen bilong Madang Luteran Memoriel Sios, Petromin Limitet na PNG Sastenebol Developmen.

Se Peter i tok dispela ol famili na bisnis poroman komyuniti i bin kamapim K300,000 na i kisim tripela mun long kisim Eksrei masin i go long Gaubin Haus sik long Karkar Ailan.

Se Peter i tok long mun Disemba long dispela yia, ol bai

dediketim dispela Eksrei masin long memori o tingim Don Kudan, pastaim Siaman bilong Sios Medikel Kaunsel na Sekreteri bilong Luteran Helt Sevis husat i bin dai long stat bilong dispela yia.

Dokta Chris i bin autim bikpela tok tenkyu i go long Se Peter na tok dispela Eksrei masin em i bikpela samting long pait agensim sik TB na ol bun bruk.

Em i tok masin ya i wankain dispela ol i yusim long Modilon Haus sik na bai i mekim isi long trening na sapot.

"Mipela i tok tenkyu long Melanisen Faundesen na ol dona bikos mipela i no bin inap long kisim fanding helpim long Nesanel Dipatmen bilong Helt o long Provinsel Gavman, maski long ol promis ol i mekim," Dokta Chris i tok.



**KELTIGA LONS:** Charles Batiya na Dijisel Hailans Rijinel Menesa, Marena Sansan i sanap wantaim komyuniti bilong skul na ples husat i autim bikpela amamas long Dijisel long helpim bilong em. *Poto: Dijisel Pablik Rilesen*

# Prait ov PNG Awod lukim 6-pela wina



**BRAVERY AWOD:** Ol meri wantaim Gavana Jenerel, Se Michael Ogio na Ledi Esmie, Mahendra Pradesh na misis bilong em wantaim ol awod bilong ol. *Poto: Nicky Bernard*

**SIKSELA** meri i bin kisim ol luksave awot long Siti Famasi Limitet (CPL) insait long resis we kampani ya i ranim olgeta yia, stat yet long 2007 bilong givim luksave long ol meri i mekim bikpela na gutpela wok insait long komyuniti, tasol ol i no save kisim luksave.

Nem bilong resis em, "Pride of PNG Awot bilong ol Meri."

Bihain long 4-pela yia, CPL i kirapim dispela awod, planti lain i wok long nominetim o givim nem bilong ol meri long go insait long dispela resis we i save makim 6-pela wina long ol wan

wan grup.

Ol wan wan eria o grup we ol wina i kisim luksave awot long ol em, "Bravery & Courage" o strongpela meri, Community Spirit o Komyuniti Spirit, Edukesen Rol Modol, Yangpela PNG, Envaironmen na "Care & Compassion Helpim" na sori long narapela.

Maketing Menesa bilong CPL, Prue Go, i tok dispela yia, ol i kisim planti nominesen stret long mak bilong 400 meri.

Long dispela yia, ol bin gat 6-pela jas i kam long ol wan wan ogenaisesen long glasim na skelim ol wina namel long 400 nominesen.

Long las wik Fonde, seremoni i bin kamap long Palamen Stet Fangsen rum, Mosbi, we 6-pela meri i bin kisim luksave awod long ol wok ol i mekim insait long ol wanwan komyuniti ol i stap long en.

Joy Wartovo, em hap Tolai na Gaire i bin kisim "Bravery & Courage" o strongpela meri awot.

Joy em i yangpela mama bilong tupela pikinini i bin gat strong long kamaut na ripotim polis man bilong em husat i kamapim bikpela hevi long paitim em na mekim nogut long em insait long 6-pela krismas.

Joy i bin les long dispela, na em i ripotim stori bilong em long midia na Post Courier niuspepa i bin putim ripot aut we pablik long PNG na ovasis i bin lukim na belhat tru, tasol amamas long meri ya i ripotim na kamautim long ples klia.

Em i opim rot long ol narapela meri we i bungim ol kain hevi olsem long noken stap maus pas, tasol ripotim ol dispela pasin i no stret i go long ol atoriti.

Maggie Classon bilong Bogenvil em i wanpela nes husat I wok moa long 30 krismas long Bogenvil, na i helpim yet planti lain long kisim helt kea na sevis. Em bin kisim "Komyuniti Spirit awot".

Long taim bilong Bogenvil pait ol sevis i no wok, Misis Classon i bin wok yet long lukautim na givim helt kea na sevis long komyuniti na ol PNG Difens soldia tu.

Luksave awot em i kisim em i bilong helpim planti pipel long kisim helt kea na sevis long moa long 30 krismas nau.

Awot long Edukesen rol modol i bin go long Vaira Berua bilong ples Wanigela long Sentrel provins.

Maski em i no kisim bikpela skul, Vaira i sanapim wanpela Priskul long Koki we samting olsem 130 pikinini i gat 7-pela krismas long Wanigela na ol ples klostu i save skul long en. em i no bin kisim gutpela skul, Vaira i laikim bai ol yangpela pikinini i kisim gutpela skul long statim laip bilong ol. Skul i nogat skul fi mak ol i mas peim, na em i gat tupela volantia tisa i save helpim em long wok tisa nau.

Ol narapela tripela awot i bin go long Christine Kembri, husat i gat 18 krismas bilong Goroka, Isten Hailans tasol i stap long Lae. Em bin kisim Yangpela PNG awot bilong wok em i mekim long sios, na tu, kisim ol yut long go insait long ol sios wok. Em i wanpela Sande skul tisa long sios na komyuniti bilong em na em i save go insait long ol sios yut kem, reli na ol kruset. Em i bilip olsem sios i gutpela rot long helpim ol yangpela mangi i stap long trabel i kamap bek gut gen.

Anti Rosa Kepo bilong Westen Hailans provins i bin kisim "Care & Compassion" awot taim ol Rigo meri long Agrikalsa Koperetiv Sosaiti i winim Envaironmen awot. Grup i laik helpim na strongim ol meri long sait bilong agrikalsa na tu, long helpim ol meri i kisim ol kaikai samting bilong ol i go long maket na salim.

Long makim CPL grup, Ravi Kants Singh taim em i tok tenkyu long petron bilong awod, Gavana Jenerel Se Michael Ogio, long kam long dispela awot nait na givim sapot long resis i strongim ol meri bilong dispela kantri, i bin tok bai CPL i givim ol sapot long wok bilong ol win meri.

"Yupela i kamap wina bai go bek long ol wan wan ples wantaim ol Praid ov PNG Awot medol olsem luksave long gutpela wok yupela i mekim.

"Yupela i go bek wantaim save olsem yupela i statim gutpela wokpren wantaim CPL grup.

"Nau nait i makim nupela wok pren bai karim kaikai na CPL bai sapotim yupela long ol wok long helpim na givim strong i go long ol narapela moa meri long PNG i kamapim gutpela na helt laip," Mista Singh i bin tok.

## PNG SUSTAINABLE DEVELOPMENT PROGRAM LTD

### Bikpela Redio halivim bilong ples Eniyawa long Westen Provins

PLES Eniyawa i sindaun long sait bilong Wara Flai, na em i wanpela long 16-pela ples insait long Suki Flai gogo CMCA\* (Komyuniti Main Kontinuesen Agrimen) Tras Rijen bilong Westen Provins.

Ples Eniyawa i gat 786 na i givim sindaun bilong wanpela komyuniti wok bilong Presiden bilong Suki Flai Wimens Asosiesen, Saridu Saudi, husat, wantaim ol arapela meri na memba bilong komyuniti, i bin sanapim Lening Senta bilong ol yet long 2010. Dispela multi-pepes Lening Senta, em ol meri i save yusim long sindaunim ol miting bilong ol, na i no longpela taim i go pinis, ol i yusim long karimaut henkraf trening bilong strongim na mekim mobeta henkraf prodak we i gutpela long salim ausait long Westen Provins. Suki Flai Rijen i gat 11, 718 pipel na i gat nem long ol basket bilong em.

Presiden na komyuniti i askim PNGSDP long kamap long opim bilong lening senta long pinis bilong 2010, na meri i askim long wanpela redio we bai i ken halivim ol, na tu ol komyuniti raunim Eniyawa.

Long mun Ogas dispela yia, PNGSDP, wantaim halivim bilong Ok Tedi Flai Riva Developmen Program (OTFRDP) i kamapim sanapim bilong wanpela VHF redio bilong Eniyawa. Komyuniti i sapotim sanapim bilong redio, tai mol i sanapim wanpela liklik bilding bilong lukautim ol redio masin. Ol i traime redio, na ol inap long toktok wantaim 85 ples (olgeta Midel Flai, na Saut Flai insait long ol CMCA Tras Rijen), OTML, na ol OTFRDP frikwensi.

Redio em i gutpela bilong kisim helt sevis, bikos ol i ken toktok wantaim tupela arapela helt senta i stap long Balimo na Suki, long taim bilong ol medikal imejensi olsem taim mama i bungim birua long taim bilong karim, long toksave long ol helt patrol na klinik, tokaut long ol komyuniti nius na apdet, na tu, kisim oda bilong ol Suki henkraf, em ol basket. Winmani ol i mekim long salim ol dispela basket i save inap long namel long K150 – K200 olgeta yia, we em i moa long jeneral kompensesen OTML i save peim long wan wan manmeri olgeta yia. Redio i halivim tu ol arapela ples i stap klostu.

Dispela em i gutpela piksa bilong komyuniti wok na hatwok bilong kamapim samting, na wanpela gutpela bekim long bikpela nid, olsem redio i soim olsem em i wanpela gutpela samting bilong komyunikesen insait long dispela provins we i gat planti bikpela hevi i stap.

- from the CEO's desk (article #18 of 2011)

\*I gat 9-pela CMCA Rijen i karamapim wanpela populesen inapim 101,413 (I kam long: Socio-economic Research by OTML Community Relations, 2011) we i karamapim 155 ples.

**CEO: David Sode**

Tel: [675] 320 3844/45 | Fax [675] 320 3855 | Email: [enquiries@pngsdp.com](mailto:enquiries@pngsdp.com)  
 Website: [www.pngsdp.com](http://www.pngsdp.com)

# Angoram Daiosis wokabaut tupela wik wantaim Mama Maria

## Paul Fuzo i raitim

OI Sios na ol kristen manmeri i gat bikpela wok long wokim long stretim gen gutpela sindaun insait long sosaiti, komyuniti na famili sapos yumi laik lukim trupela senis i kamap insait long kantri bilong yumi Papua Niugini.

Olgeta Sios lida i mas kamapim wokbung na bungim olgeta sipsip bilong ol olsem pasin Jisas i mekim taim em i wokim wok misinari bilong em taim em i bin stap hia long ples graun.

Tude; politiks i brukim planti komyuniti, we nau i nogat gutpela wokbung insait long lidasip bilong givim stia long kantri.

Politiks i brukim ol lida na haus palamen i kamap olsem wanpela haus danis, we olgeta lida i go insait na danis long musik bilong tupela o tripela Lida tasol. Ol dispela Lida we i no laik danis bai i no nap

kisim presen taim danis i pinis.

I hat tru nau long pipel i lukim na kisim trupela na gutpela gavman sevis taim ol lida bilong ol i no danis long musik bilong ol lida we nau i holim pawa rop bilong politiks.

Planti pipel bilip politiks bai bringim senis long komyuniti na ples bilong ol, tasol faivpela yia i go pinis nating na bus i karamapim yet ol distrik bilong ol, pot hol tu i kamap olsem ol holbom long ol rot insit long ol biktaun bilong ol.

Wanpela rot tasol nau em long ol Sios long lusim ol haus Lotu bilong ol na kamaut na bungim ol manmeri, autim gutnius na givim bel isi long kamapim gutpela sindaun insait long ol famili.

Sios i mas soim rot bilong gutpela sindaun na helpim ol pipel long lusim ol rong bilong narapela na kamapim gutpela sindaun na wokbung long lukautim

sindaun bilong ol yet na larim God i kamap stia long laip na sindaun bilong ol. Wanpela distrik husat i luksave long rot bilong gutpela sindaun em Angoram Distrik insait long Is Sepik Provins.

Insait long dispela yia, Angoram Distrik i kamapim planti Sios program bilong kamapim bel isi na tok sori namel long ol pipel, Gavman na Sios.

Olgeta Sios tu i kamapim wokbung long bungim ol famili insait long kraus, we i lukim planti yut i lusim pasin bikheth na lo na Oda hevi insait long Angoram stesen i wok go daun isi isi.

Dispela i kamap bihainim gutpela wok bilong Sios Katolik Sios insait long Angoram distrik husat i bin go pas tru long kamapim wokbung wantaim ol narapela Sios long bringim gutnius, i go insait stret long komyuniti na famili.

Dean bilong Sepik di-

nari na pris bilong Angoram, Pater Bernard Burite, i wok strong long lukim olsem gutnius bilong bel isi na gutpela sindaun i mas go insait long olgeta famili.

Long strongim wok misinari bilong Katolik Sios insait long Angoram Distrik, ol yuts i bin saptim tru prosesio bilong Mama Maria we i lukim moa long 5 handret bilip manmeri na pikinini bihainim Mama Maria inap 2-pela wik olgeta we Mama Maria i bin visitim 13-pela ples olgeta bihainim bikpela Sepik riva. Prosesio bihainim Mama Maria i bin stat long ples Kaminimbit long Fonde, Oktoba 13, we insait long dispela tupela wik, mama Maria i bin visitim ol bilip manmeri long Timbunke stesen, Wombun, Kanduanum stesen, Krinjambin, Agrumara, Moim, Motiel, Magendo 1, Kambrok Junsen, Angoram stesen, Marienberg stesen, Bien na

long Trinde 28th Oktoba 2011 mama maria i bin pinisim wokabaut bilong em long ples Karau insait long Murik Lakes.

Karau em liklik ples bilong Gran Sif Se Michael Somare we Mama Maria i bin malolo na stap inap tripela de olgeta we i lukim ol yuts i pinisim prosesin wantaim ritrit program bilong ol. Bikpela as tingting bilong dispela prosesin bilong mama Maria em long lukim olsem bel isi na laikim pasin i mas stap insait long famili.

Angoram peris i gat bikpela amamas long lukim na kisim saptim bilong Pater Patrick Pangara bilong Marienberg peris long lukim dispela program i karim kaikai na lukim tu Katolik Sios i sanap strong long bringim gutnius bilong laip i go aut long ol pipel.

Katolik Sios insait long dispela prosesio i sanap strong long inapim tok gutnius aposel Mathew i raitim long sapta 28: 19 - 20 "go long olgeta hap bilong dispela graun na mekim olgeta manmeri kamap disaipol bilong mi."

Insait long bikpela misa bilong Pater Bernard long Sande we i pinisim wokabaut bilong mama maria long ples Karau Pater Bernard i autim long bilip bilong wok misinari; "Jisas i visitim ol manmeri, ol manmeri i laikim wok bilong Jisas, ol bilipim em bilong wanem em i serim pasin bilong God; dispela pasin laikim" "Jisas i serim dispela lait bilong God." "Em i bringim ol manmeri i kam long God" em i singaut 12pela man na em i skulim ol na kolim ol Aposol; "Em i tok, yupela kam bai mi skulim yupela bai yupela lainim long me na yupela go na skulim dispela wok bilong mi long olgeta hap bilong graun."

"Yupela ken i go na soim dispela pasin bilong mi long ol arapela, go mekim ol i kamap disaipol bilong mi; baptaisim ol long nem bilong Papa, bilong Pikinini na bilong Holi Spirit, na yupela mas save bai mi stap wantaim yupela inap dispela taim pinis."

Pater Bernard i bin pinisim misa bilong em wantaim tok blesing i go long olgeta manmeri long misa na tu papa Santu na olgeta lain husat i givim helpim long saptim dispela prosesio bilong Mama Maria.

Bihain long misa ol yut i pilai resis long kainkain spot na musik ministri bilong ol yut bilong Angoram Peris i givim prais long God wantaim musik bilong ol we i mekim planti mama i danis long liptimapai na lotu long God.

Karau ples, long soim amamas bilong ol long lukim bilip manmeri bilong kainkain ples i kamap long ples bilong ol long namba wan taim, i holim bek ol visita bilong ol wanpela moa nait long pinisim wantaim bikpela bung kaikai.

Katolik famili bilong Angoram na Marienburg peris i bin lusim Karau ples long Monday Oktoba 31, na go bek long wanwan ples bilong ol.

Pater Bernard i tok em bai wok strong yet long lukim olsem planti ol famili insait long Angoram distrik i painim amamas long ol haus bilong ol na dispela amamas i ken kamaut olsem lait long soim gutpela rot long kamapim gutpela senis na developmen insait long komyuniti, ples na Distrik olgeta.



## Tambu long bia na smok

BIHAIN long sampela raskol i bin kilim wanpela bisnisman bilong Simbu long 9-Mail, i gat planti bikpela toktok i kamap long pasim maket bilong 9 Mail. Inap tude maket bilong 9-Mail i no op yet, tasol manmeri i salim kaikai, buai na kain kain samting arere long rot bilong 9-Mail.

Narapela samting ol bikman bilong Simbu i bin toktok na kamapim em petisen o pas bilong ol bilong tokim ol bikman long pasim stua long setelmen i save salim bia. Bikos; "Bia tasol i asua bilong kilim man i dai. Bia tasol i kamapim trabel".

Ol i tok tambu long dring bia long setelmen na residen. Polis bai strong long kotim ol manmeri i spak long rot, long setelmen, long pablik ples o long maket. Mi askim nau.....Husat Polis i bin wokim dispela wok? Hamas manmeri ol i kotim pinis? Wanem taim?

Taim mi raitim dispela stori long Fraide nait Novemba 4, 2011, long Goldie Street, Konedobu, manmeri i spak, singaut bikmaus na tok nogutim ol meri. Tok nogut long meri i stap na bihain ol i putim pekpek bilong ol antap long tebol ol manmeri i save salim buai long en.

Dispela pasin i no kamap nau nait tasol. Klostu olgeta nait. Em i wanpela ples tasol mi stori. Tasol mi bilip long planti setelmen na ples long Mosbi, planti spak manmeri i stap. Polis i wokim wok bilong ol o nogat?

Las wik, wantok bilong mi long Bomana i raitim komplem long Facebook bilong em. Wanpela kar bilong polis i bin bamim kar bilong em. Ol Polis i spak na draivim kar. Taim Pater i kamaut long kar na laik toktok gut wantaim ol, ol i ronawe.

Polis yet i spak long pablik. Olsem wanem ol inap long stopim manmeri i dring long pablik ples?

Taim dispela loa bilong dring i no putim long praktis yet, sampela wik i go pinis, Minista bilong Helt i kamapim wanpela strongpela loa bilong tambuim manmeri long smok na salim lus smok o paket smok long stua o maket. Planti strit maket lain i bin autim tingting bilong ol olsem dispela loa em i gutpela tasol bai bagarapim laip bilong ol.

Olsem wanem nau? Minista yet bai kam daun long maket na strit long siti na kontrolim ol manmeri?

Mi stap 22 yia pinis long PNG. Mi bin lukim planti hevi wantaim loa na oda. Mi bin lukim planti loa i bin kamap long kontrolim loa na oda hevi. Planti ministri i bin tok long TV, redio na niuspepa, tasol planti trabel i stap yet na go het yet. Bilong wanem? Bikos gutpela loa i stap long opis, i no go daun long rot yet.

Mi no agensim dispela tupela loa i tok tambu long bia na smok.

Tasol, yumi mas tingim gut. Stua bilong salim bia i no mekim rong. Man i salim bia i no kilim man i dai. Bia i no kilim man o kirapim pait. Wankain tu long smok. Ol vendor o strit maket lain i no fosim ol manmeri i baim smok. Smok i no tokim ol manmeri long baim ol. Fektori bilong smok i no givim oda long manmeri long baim smok. Bia na smok em i samting bilong soim hospitaliti o pren pasin long narapela. Ol i no kamapim trabel.

Asua bilong olgeta samting em i stap long pasin bilong manmeri. Sapos manmeri i kisim gutpela eduksen long gutpela pasin na yusim gutpela save i stap insait long ol, ol bai dring bia olsem wait man tasol bai i no spak olsem kanaka.

Bipo long ol lida i kamapim loa, kam daun na wokim awenes long maket, strit, setelmen na ples ol man i stap long en. Bai ol manmeri i save klia na luksave long dispela loa. Sapos nogat, loa bilong yumi bai stap seif gutpela stret insait long kol rum long opis bilong gavman.

ST JOSEPH'S PARISH  
Boroko, Port Moresby



P.O. Box 1535  
Boroko, NCD

Telephone: (675) 325 5548  
Facsimile: (675) 311 2409  
Email: tpncdep@gmail.com

### TENDER NUMBER STJP02

On behalf of the St. Joseph Parish Pastoral Council, we invite written sealed Tender Bids for:

Project Name	Construction of Proposed Two Level Community Centre.
Proposed Works	Proposed Work include: <ul style="list-style-type: none"> <li>• Site scoping</li> <li>• Provide sound foundation work</li> <li>• Construction of proposed Community Centre</li> </ul>
Ref Number	ST JP02
Bid Security	NIL
Documentation Available	Monday November 7 <sup>th</sup> 2011 from the St. Joseph Parish Office.
Document Fee	Non-refundable fee of K400.00 per set in the form of Bank cheque or cash payable to St Joseph Parish Pastoral Council.
Contact Detail	Fr. John Auram or Maggie Aiam St Joseph Parish Office Vaivai Avenue Phone: (675) 325 5548 Fax (675) 311 2409 Email: mmaggie45@yahoo.com
Closing Date Place & Time	St Joseph Parish Office & Building Committee Vaivai Avenue, Boroko Monday 28 November 2011. Time: 3.00 pm
Opening Place, Date & Time	St Joseph Parish Office, Conference Room Vaivai Avenue Boroko, NCD Monday 28 November 2011. Time: 3.30pm

Only bidders with past experience in major (projects) with financial capacity, machinery and management skills will be considered for the above works.

Authorised by : Dr. Thomas Vinit  
Chairman

# PALAMENTARI RIFERAL KOMITI LONG MINERALS NA ENEJI RIVIU BILONG MAINING EKT (1992)

## INKWAIRI (RIVIU) PROGEM Novemba 15 – 18, 2011 (HAUS PALAMEN)

Palamentari Riferal Komiti long Minerals na Eneji i go het pinis long rivi u o wok sekim bilong Maining Ekt (1992). Dispela rivi u em Nesanel Palamen yet i salim i go long Komiti long namba 29 de bilong mun Me, 2009. Komiti i wok long stretim ol askim i go insait long dispela rivi u. As tingting bilong dispela wok em long larim ol Gavman Dipatmen na Lain Ejensi long bung wantaim Komiti. Dispela bai opim rot bilong toktok wantaim ol dispela stekholda na paitim tok long ol Tems ov Refrens bilong dispela rivi u.

### Ol Tems of Refrens em:

#### Rivi u bilong Maining Ekt

#### Palamentari Riferal Komiti long Minerals na Eneji:

- Rivium onasip bilong ol mineral olsem hap bilong wanpela bikpela rivi u bilong Maining ekt 1992. Dispeal rivi u i mas go het wantaim astingting bilong:
  - Rivium ol disisen Gavman i mekim long daunim ret bilong ol Spesol Sapot Grent (SSG) kalkulesen long 1% i go long 0.25%, na tokim Gavman long sanapim bek 1% Spesol Sapot Grent wantaim ful kompensesen i mas go bek long ol provins i bin kisim dispela senis, i go bek olgeta long de ol Gavman i mekim disisen ol yet, na ol i no toktok wantaim ol stekholdas o karamapim tu setelmen bilong ol dispiut aninit long ol Stia bilong MOA.
  - Apim ret bilong Spesol Sapot Grent (SSG) kalkulesen long 1% i go 10% bilong enual FOB sels reveniu na ol Spesol Sapot Grent i mas go aut, na i noken gat ol arapela askim long ol; na
  - Prinsipal manimak bilong derivesen reveniu o winmani (em 5%), i mas go long peim ol Provins, bai mas go tu long ol mineral eksport.
- Go het long apim ret bilong mineral royalty peimen long 2% i go long 5% bilong enual FOB sels reveniu.
- Tok wanbel olsem 10% ekwiti i go long Provinsal Gavman na ol papagraun em bai Stet yet i peim.
- Tok wanbel olsem saplai na baim bilong ol kago na sevis i kam long insait long Papua Niugini yet i mas go daun long insait long Provins yet we wok maining i stap, bai Provins i ken sasim ol Guds na Sevises Takis.
- Go het long kamapim mobeta rot bilong wok bung bilong poromanim takis kredit skim bai em i opim rot bilong ol infrastraksa samting i ken sanap long namba wan de wok maining i kirap.
- Givim tok orait long ol maining kampani long givim 10% o moa long veliu bilong ol arapela kostim bilong groim wok mak we i no bin stap long namba wan tok wanbel, we i ken suku-ruim taim bilong peim koporet takis.
- Go het long mekim ol maining kampani i mas sapotim gut ol infrastraksa o rot na bris, bihainim laik bilong Provinsal Gavman na dispela komitmen i mas stap insait long maining kontrak.
- Stretim olgeta autstending MOA pastaim long 30 Jun 2009
- Senisim Maining Ekt 1992 long givim olgeta netseral risos, (Timba, Pis na Solwara Maining, Wel na Ges), nem o onasip i go long ol risos i gat klia na strongpela rot bilong skelim mani.

Tebol daunbilo i soim ron bilong inkwairi progem. Dispela inkwairi bai kirap long Tunde 15 na ron i go inap Fonde 17 Novemba 2011. Ol dispela Gavman Dipatmen na lain ejensi i mas toktok long Dairekta – Komiti Sekreteriet stret long telepon namba: 3277759, 3277784 o 3277207 o salim Feks i kam long: 3277206

Dipatmen bilong Mineral Polisi na Jiohesat Menesmen  
Dipatmen bilong Provinsal na Lokol Level Gavman Afes  
Dipatmen bilong Envairomen na Konsavesen  
Dipatmen bilong Petroleum na Eneji  
Dipatmen bilong Nesanel Plening  
Dipatmen bilong Jastis na Atoni Jeneral  
Dipatmen bilong PM na NEC  
Dipatmen bilong Fainens

Dipatmen bilong Tresari  
Mineral Risoses Atoriti  
Petromin Ltd  
Mineral Risos Developmen Koporesen  
PNG Semba bilong Mains na Petroleum  
PNG Semba bilong Komes  
Transparensi Intanesenel

De	Taim	Dipatmen/Lain Ejensi	Ples
15/11/11	10 – 11 kilok moning	Mineral Risoses Developmen Koporesen	B2 Konfrens Rum (Haus Palamen)
15/11/11	11 – 12 kilok belo taim	Petromin	B2 Konfrens Rum (Haus Palamen)
15/11/11	2 – 3 kilok apinun	Dipatmen - Petroleum na Eneji	B2 Konfrens Rum (Haus Palamen)
15/11/11	3 – 4 kilok apinun	Dipatmen - Envairomen na Konsavesen	B2 Konfrens Rum (Haus Palamen)
16/11/11	10 – 11 kilok moning	Dipatmen – Provinsal na LLG Afes	B2 Konfrens Rum (Haus Palamen)
16/11/11	11 – 12 kilok belo taim	Dipatmen – Nesanel Plening	B2 Konfrens Rum (Haus Palamen)
16/11/11	2 – 3 kilok apinun	Dipatmen – Fainens na Tresari	B2 Konfrens Rum (Haus Palamen)
16/11/11	3 – 4 kilok apinun	Dipatmen – Jastis na Atoni Jeneral	B2 Konfrens Rum (Haus Palamen)
17/11/11	10 – 11 kilok moning	Dipatmen – PM na NEC	B2 Konfrens Rum (Haus Palamen)
17/11/11	11 – 12 kilok belo taim	Transparensi Intanesenel	B2 Konfrens Rum (Haus Palamen)
17/11/11	2 – 3 kilok apinun	PNG Semba bilong Komes	B2 Konfrens Rum (Haus Palamen)
17/11/11	3 – 4 kilok apinun	PNG Semba bilong Mains na Petroleum	B2 Konfrens Rum (Haus Palamen)
18/11/11	10 – 12 kilok moning	Ol mausman bilong ol Risos Ona	B2 Konfrens Rum (Haus Palamen)
18/11/11	2 – 4 kilok apinun	Ol mausman bilong ol Risos Ona	B2 Konfrens Rum (Haus Palamen)

#### Tingim:

- Dispela progem antap bai kamap hia insait long Nesanel Kapitel long Nesanel Palamen, B2 Konprens Rum.

.....  
Honorabel Vincent Michael, MP  
Siaman  
Palamentari Riferal Komiti long Minerals na Eneji





# TOK PISIN NEWS

from Radio Australia

radioaustralia.net.au

Harian TOK PISIN long  
Radio Australia  
**101.9FM**  
Port Moresby

**Tok Pisin Service**  
6am - 7am 6080; 7240(kHz)  
7pm - 9pm 5995; 6020; 9710; 1280(KHZ)

## Wan milian pipel nogat wok long Tailen

NAMBA bilong ol pipel i bin dai long ol birua bilong haiwara o flad long Tailen, i go antap long 527, na gavman i tok lukaut olsem, dispela hevi bai inap go moa long wanpela mun moa.

Praim Minista, Yingluck Shinawatra i kensalim raun bilong em i go long Hawaii long stap insait long Esia Pasifik Ekonomik Forum long dispela wik, long wanem em i laik stap bek long stretim dispela hevi.

Long kapitel bilong Tailen, moa long wan kwota bilong Bangkok distrik i kism toksave ol i kism i go aut olgeta o sampela long ol pipel, na ol wara bilong flad i wok long go klostu long ol bisnis eria long isten sait bilong siti long namba wan taim.

Karon Snowdon i ripot olsem, ol i putim i go antap kostim bilong ekonomi.

Mak bilong mani kantri i lusim long rais krop i kamap namel long 3.5 na 4.5 milian tan, na i givim hevi long ekspot bilong kantri.

Rais dipatmen bilong gavman bai givim aut 72 tausen tan bilong fri rais sid i go long ol fama i bungim hevi.

Long kapitel Bangkok, ol wara long flad i wok long givim hevi long rot bilong givim aut ol kaikai.

Ol bisnis eria i bin kism hevi pastaim nau i stap long red alet.

Saveman bilong mani, o ekonomis, Dokta Somchai Jitsuchon, i tok, makim ol i makim, i soim bai i gat tu pesen katim long mak bilong kaikai na samting kantri i save kamapim dispela yia na wan milian pipel bai no gat wok long sotpela taim i kam.

## Ol marin saintis i go bung long Gret Beria Rip

OL Marin Saintis i go bung long Gret Beria Rip bilong Australia long stadi long koral sponing, o taim bilong ol ston kambang i tromoi kiau long dispela yia. Em i taim we koral rip i save autim ol kiau bilong ol.

Long taim bilong ful mun long Novemba, planti milian koral i lusim i go aut, spem na kiau long solwara. Na taim bilong yia we em i save kamapim nupela koral.

Profesa Bette willis bilong James Cook Yunivesiti long Kwinslen, i tok long dispela yia, ol risetsa man bai gat bikpela laik long lukim wanem kain hevi em las wik sisen i bin givim long ol koral.

Em i tok, sampela long ol rip



## Ol smail bilong kabon takis

AMAMAS: (L-R) Tresera Wayne Swan, Praim Minista Julia Gillard, na Klaimet Senis Minista, Greg Combet, i lap long wanpela pres konferens long Kanbera (Canberra) bihain long Australia Senet i oraitim loa bilong kabon takis long Tunde dispela wik.

long graun i mas stat pinis long kamapim pikinini long pinis bilong dispela wik.

Ol risetsa long Yunivesiti long Amerika, nau i mekim we bilong ol i go long lukim dispela so i save kamap aninit long solwara.

## Ol lida bilong Melanesia i mas lukautim gut graun bilong ol pipel

OL lida bilong ol Melanesia kantri i mas luksave na lukautim gut graun bilong ol pipel na maski long givim nating i go long han bilong ol forena o ausait manmeri.

Dispela toktok i bin kam long wanpela mansave bilong Australia Nesenel Yunivesiti long Kanbera, husat i tok graun em i blut na mama bilong ol pipel long Melanesia.

Dokta Hartmut Holzknecht, wanpela visiting felo, long Fenner Skul bilong Envairomen na Sosol Stadis long ANU, i mekim dispela toktok bihainim ol wari em i wok long kamap nau long ol spesol agrikalsa bisnis lis long Papua Niugini.

## Kwinslen loya man bai painimaut long kalabus bilong ol Indonesia yut

TAIM gavman bilong Australia i go het long traim kism wanpela yangpela Australia mangi long lusim kalabus long Bali long sas bilong 'drag', toktok i kamap olsem ating i gat samting olsem 40 Indonesia pikinini i stap long kalabus long Australia.

Dispela ol Indonesia pikinini i stap long kalabus long ol sas bilong 'pipel-smagling', we ol loya bilong ol i tok strong olsem ol i pikinini tasol.

Nau ol Indonesia diplomat i askim Kwinslen Loya, Mark Plunkett, long mekim wok painimaut long en.

Em i tok wanpela eksrei masin we, ol i pasim long han long painimaut krismas bilong ol, i no wok.

## Olgeta Australia politisen i no wanbel long Australia kabon takis loa

OL POLITISEN long Australia i stap bruk nabaut long nupela Kabon Takis, em Senet i bin givim tok orait long en. Dispela Kabon Takis loa i kamap bihainim planti ol toktok i laikim na i no laikim.

Senet i bin vot laikim ol klin eneji bil, em i putim prait long kabon stat long mun Julai, long yia bihain, long putim mak long daunim ol grinhaus ges long mak 80 pesen pastaim long yumi bungim 2050.

I bin gat singaut amamas long

pablik galeri, taim ol i pasim ol bil long Apa Haus wantaim sapot bilong ol Green na Labour Seneta.

Greens Lida, Bob Brown i tok, dispela i kamap bikos ol pipel i laikim kabon plen.

Praim Minista, Julia Gillard i tok, em i wanpela win.

Em i bin tokaut long tingting bilong wanpela etvataising kempen bilong soim ol takis daunim, na bikpela pensen na famili pemen i kam wantaim kabon plen.

Tasol lida bilong Koalisen long Senet, Eric Abetz, i tok ol pipel i no nap marimari o pogivim Mis Gillard long em i brukim promis bilong em pastaim long ileksen, olsem bai nogat kabon takis.

Prais bilong Kabon bai stat long mun Julai long yia bihain.

## Ol i painim sevenpela pisaman bilong Marshall Ailans

WANPELA join wok painim bilong US Kos Gat na Australia Nevi i painim sevenpela pisaman bilong Masel Ailans i stap laip yet antap long wanpela liklik ailan.

Ol man hia krismas bilong ol namel long 19 na 30, i bin lus long Fonde, taim ol i lusim ol i go bilong kism ol tropical pis bilong salim i go long ol tang wara o akweriem raun long wol.

Wanpela US Kos Gat balus i bin lukim ol, taim ol i bin wok long wevim ol lip bilong ol kokonas.

US Kos Gat i tok, ol i wok long toktok wantaim ol dispela man,

tasol i luk olsem ol i stap long gut na helti yet.

Ol i bilip, dispela ol man i no bin i go stap pas taim ensin bilong siks mita bot bilong ol i bin dai.

## Paul Henry bai gat TV wok long Australia

WANPELA Nu Silan brodkasta husat i bin pinis long wok bilong em long gavman televisen stesen nau bai kism TV wok long Australia.

Bikpela kros na belhat long pablik i bin kamap bihian long em i bin mekim ol tokpilai long wanpela India politisen na i mekim em long pinis.

Paul Henry, husat i save lukautim brekfes so long TV stesen long Nu Silan, i bin tokpilai long nem bilong Delhi Sif Minista Sheila Dikshit.

Em i mekim toktok pastaim tasol long Komonwelt Gems i bin kamap long India long yia i go pinis.

Stet Brodkasta TVNZ, i bin toksori nau i go long India, na Nu Silan televisen wasman i bin mekimsave tu long TV stesen long em i peim fain.

Ripot i tok Mista Henry, husat ol i save long em long mekim ol kain toktok long meri bilong singsing, Susan Boyle, bilong Briten, na tu long Nu Silan Gavana Jeneral, bai nau i joinim wanpela nupela brekfes progrem long Australia TEN network.

**Pacific BEAT**

4. 5. 6am & 4pm, 5pm  
including sport

Listen to Radio Australia  
101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.

# Birua bruk long Lae siti

Ol ripot i kam long Pasto Gendi Mui

## Eriku hot-spot givim hevi

**OL strit raskol mangi i pulap na kontrolim Eriku bas stop na kamapim planti birua long manmeri na pikinini long pablik long Lae siti.**

Planti ol gutpela manmeri na lokol turis bilong Lae i lusim bikpela mani, kago, na arapela samting taim ol i traim long kalap long ol PMV bas we i save pas pas tru long ol manmeri long bas stop.

Ol Morobe asples lain, na ol Hailans na arapela tu i bungim dispela hevi long han bilong raskol.

Em i hat long wanpela gutpela man i stopim o tok strong long rausim ol strit raskol ya, long wanem ol i planti tru na redi long bung na pait bek. Planti bilong dispela strit raskol, em ol bilong Hailans, maski sampela arapela tu i stap insait wantaim ol.

Sampela wik i go pinis, nupela pasin birua wok long kamap long dispela hot-spot, na kirapim pablik long belhat na toktok planti long en em pasin bilong bung, na reipim ol meri na gels long traipela san. I gat ripot long graun olsem foapela meri na gels ol i bungim birua long reip pinis long han bilong ol strit raskol mangi long Eriku bas stop. Olgeta i kamap long san.

Planti gutpela manmeri bilong Lae na Morobe i bin rait i go long ol niuspepa na komplem long Morobe provinsal gavman, ilektet lidas na ol polis long stretim dispela hevi. Na tu, ol Lae komyuniti lida tu i bin singaut long ol i mas adresim dispela hevi, tasol nogat gutpela bekim o eksen i bin kamap.

## Ol Morobe petisinim provinsal gavman

OLGETA samting i gat mak bilong stop o limit i stap, maski em i gutpela o samting nogut.

Ol gutpela sindaun bilong Lae siti i pilim olsem inap em inap long kain birua ol strit mangi olsem long Eriku wok long givim long ol pablik manmeri.

Olsem na long las wik Fonde apinun, hevi i bruk long Fraide, we ol Morobe asples yut na manmeri na lida i holim wanpela mas i go long Morobe Tutumang Haus long petisinim o kisim dispela hevi i go long luksave bilong Provinsal Gavman na Gavana long ol i ken stretim kwik. Bikpela laik bilong ol em long lukim

gavana na administreta bilong provins na toktok fes tu fes na kamapim rot bilong stretim hevi nau i stap long han.

Tasol dispela i no kamap, na ol provinsal lida i lusim hevi i go bek long han bilong ol Morobe yet long stretim wantaim ol Hailans.

Dispela i bagarapim bel bilong ol na kamapim bikpela hevi long siti las wik Fraide na Sarere. Hevi nau Lae Siti i fesim em kaikai bilong provinsal gavman na lida i no redi long harim na stretim wari na pen na singaut bilong ol liklik manmeri.

## Hevi long Lae i stap nau long han bilong ol lida

PLANTI komyuniti na sios lida i tok strong long provinsal gavman i mas kam insait nau na stretim hevi.

Pasin birua ol strit mangi i givim em liklik eria we gavman inap atesim na stretim.

Tasol ol i no mekim, na hevi i go bikpela na bagarapim sindaun bilong ol manmeri bilong Lae, ol sios na komyuniti, we laip bilong man i lus, na propeti i bagarap pinis.

Wanpela komyuniti na sios lida long Malahang, Johannes Nunu, bilong Fins, i tok strong olsem, hevi bilong strit raskol, em liklik olsem loa na oda hevi, inap polis na provinsal gavman i ken wokbung na stretim. Em i sori olsem dispela i no kamap olsem na laip i lus pins, propeti i bagarap, na kamapim pret na hjevi long olgeta gutpela manmeri bilong Morobe, Hailans, na PNG i stap long Lae siti.

Na tu, lidaman Johannes i tok, “

Mipela Morobe ikisim Gutnius bilong Jisas igo long Hailans na lainim ol long gutpela pasin, na mekim fren wantaim ol na kisim ol ikam long Morobe. Na yumi stap olsem brata-susa, tambu-kandre na wanwok na olsem Kristen yumi wanpela bodi bilong Kraist. Olsem na sapos igat lo na oda problem kamap, orait stretim long wei bilong en na inoken lusim igo long han bilong pipol yet long stretim olsem nau. Em hevi iken igo long kainkain rot.”

Nau yet i gat wanpela pablik bung ol i holim long BekRot, Bumayong we ol komyuniti i bin bung wantaim polis na gavman long stretim bikpela hevi i stap long Lae siti. Klostu olgeta Morobe sios na komyuniti lida nau lukim olsem hevi em polis na provinsal gavman inap stretim, tasol ol i lusim i go long han bilong ol man-



Ol Morobe asples karim ol bus naip raun.

# WANTOK KOMENTRI

## Bikpela salens bilong O'Neill gavman soim pes

EM i soim pes bilong em pinis.

Dispela namba wan bikpela salens we bai traim olgeta strong bilong O'Neill-Namah gavman insait long ol mun i go painim ileksen 2012.

Hevi i painim Lae siti las wik em i kirap long ol gutpela manmeri i les pinis long bungim birua long han bilong ol strit raskol bilong Lae.

Planti ol askim na singaut i bin go pinis long provinsal gavman long dispela ol hevi, tasol i nogat manmeri i bekim ol dispela singaut.

Nau, ol asples yet i kirap na kamapim trabel long ol strit bilong namba tu siti bilong yumi.

Dispela kain bel-sting, i no samting i stap long Lae tasol. Nogat.

Long olgeta hap liklik kona bilong kantri, i gat ol setelmen i wok long kirap raunim ol taun, na ol i wok long karim ol kain kain strit raskol.

Olgeta dispela ol raskol, i no save raun wan wan olsem bipo. Nogat. Nau, ol i save bung na raun.

Ol bikman bilong Polis i autim bikpela belkros tru long bikpela namba ol kes bilong pasin reipim meri.

Dispela em i wanpela long ol bikpela birua i painim planti ol yangpela meri bilong Lae siti pinis.

Nau, ol gutpela manmeri i tok 'inap, na inap pinis'.

O'Neill gavman nau i kam insait long stretim sindaun bilong Lae.

Ol i salim ol mobail skwat na mekim deklasesen las wik olsem Lae em i kamap ples pait.

Dispela kain hevi, nau em yumi lukim pes bilong em tasol.

Sapos gavman bilong O'Neill na Namah i no laikim wanpela banis long winim 2012 ileksen, ol i mas hariap na stretim dispela hevi i wok painim planti taun bilong yumi nau.

Kain kain toktok i wok kamap long kirapim bek vegrensi ekt bilong salim ol manmeri i no mekim wanpela wok, i go bek long ples bilong ol.

Nau, yumi noken toktok pairap tasol. Yumi mas mekim samting stret.

Praim Minista, yumi nidim planti moa teknikal wokmanmeri bilong inapim askim bilong ol bikpela risos projek i kirap nau long graun bilong yumi.

Planti long ol lain i wok long mekim trabel long ol taun bilong yumi, em ol yut, na yangpela manmeri.

Ol dispela lain, em wanpela lain we gavman i mas tingim long stretim sindaun bilong ol.

Ol tasol bai kamap ol lida bilong tumora, na sapos yu no tingim ol tude, ol bai no inap luksave long yu long tumora.

Birua long Lae, nau i wok long pinis nau.

Tasol ol lain long Morobe provinsal gavman, aninit long stia bilong mausman, Luther, i noken sindaun na pulim win nating.

I gat planti bris i wok long stat long bruk nau, namel long ol pipel na ol provinsal lida. Olgeta dispela bris, i mas kisim luksave na wok stretim.

Noken lus tingting long ol.

# WANTOK

Published Weekly, Thursday, for  
Word Publishing Company, Ltd.  
P.O. Box 1982, Boroko, NCD  
Papua New Guinea

Telephone: (675) 325 2500  
Fax: (675) 325 2579

Email: [editorial@wantok.com.pg](mailto:editorial@wantok.com.pg)

Pe bilong wanpela yia  
52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager:  
Elizabeth Konga

Editor:  
Neville Choi

Published at  
Portion 445, Kanage Street,  
Six Mile NCD

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest or its absolute discretion. The publisher's general terms acceptance are available at Word Publishing Company Ltd and are set out full on the display advertising form.

**YUMIFM** Program bilong Wanwan De

**De - Mande - Fraide**  
 6am - 10am - Sankamap show - Host: Kas.T  
 6:00am - Major Nius Bulletin  
 6:15am - Komuniti Notis Bod  
 6:25am - Taim Bifo - wanpela singsing blong bifo.  
 6:30am - Nius Hettains  
 6:45am - Bonde grins  
 7:00am - Major Nius Bulletin - YUMIFM Nius Senta  
 7:05am - YU TOK - komiuniti awenes program  
 7:15am - WAN 4 DA ROAD - Hit Prediction - niupela singsing  
 7:30am - Tok Pilai - stori blong putim smail long nus pes.  
 8:00am - Major Nius Bulletin - YUMIFM Nius Senta  
 8:05am - YU TOK - komiuniti awenes program  
 8:15am - "Papa Heni Fuka Show".  
 9:00am - Nius Bulletin - YUMIFM Nius Senta  
 9:15am - Luksave long Komuniti (Radio Pilai) Fraidei

Tasol  
 9:30am - Final aua cruz  
 10am - 3pm - Morin Trek na Belo Pack - Host: Mummy DASH  
 10:00am - Major Nius Bulletin - YUMIFM Nius Senta  
 10:05am - YU TOK - komiuniti awenes program  
 10:15am - Kona blong yu  
 10:45am - YUMI PANIM WOK Segment  
 11:00am - Nius - YUMIFM Nius Senta  
 11:05am - YU TOK - komiuniti awenes program  
 11:10am - Lukautim yu yet - Helt toktok  
 11:30am - Nius Hettains blong Belo Taim - Laik blong yu - Niupela singsing previu  
 12:00pm - Major Nius Bulletin - YUMIFM Nius Senta  
 12:05pm - YU TOK - komiuniti awenes program  
 12:10pm - BELO Pack - Belo taim rekwas na dedikesen  
 12:15pm - Komuniti Notis Bod  
 12:20pm - BELO Pack - Belo taim rekwas na dedikesen  
 1:00pm - Nius - YUMIFM Nius Senta  
 1:05pm - YU TOK - komiuniti awenes program  
 1:10pm - BELO Pack - Belo taim rekwas na dedikesen

2:00pm - Major Nius Bulletin - YUMIFM Nius  
 2:05pm - YU TOK - komiuniti awenes program  
 2:45pm - YUMI PANIM WOK Segment  
 3pm - 7pm - Avinun Draiv Taim - Host: Vaviessie  
 3:00pm - Nius - YUMIFM Nius Senta  
 3:05pm - YU TOK - komiuniti awenes program  
 3:10pm - Avinun cruz  
 4:00pm - NIUS - YUMIFM Senta  
 4:05pm - YU TOK - komiuniti awenes program  
 4:10pm - FOAPELA KAM GUD LONG 4 - foapela singsing  
 4:30pm - Nius Hettains  
 4:45pm - YUMI PANIM WOK Segment  
 5:00pm - Major Nius Hettains - YUMIFM Nius Senta  
 5:05pm - YU TOK - komiuniti awenes program  
 5:10pm - 6:00pm - KULCHA Musik (1 hr) skelim lokal musik 6pm - 7pm  
 - **NAIT BEAT** - Host: Vaviessie  
 6:00pm - MAJOR NIUS BULLETIN - YUMIFM Nius Senta  
 6:05pm - YU TOK - komiuniti awenes program

6:10pm - 7:00pm Mon kamap sho  
 6:45pm - Komuniti Notis Bod  
 7:00pm - 9:00pm - COCA COLA GARAMUT - Host: Angra Kennedy  
 7:00pm - Nius - YUMIFM NIUS SENTA  
 7:05pm - YU TOK - komiuniti awenes program  
 9:00pm - 00am - Nait Beat - Isi Cruz long nait  
 00am - 6am - BRUKIM TULAIT SHOW - Host: Tuluvan Vitz/Talagu Sopi/Bata Rat  
 00:00 - Early Monin Taim Cruz (ol lain brukim tulait shift)  
 - Musik / Request / Tok pilai  
 - Kipim Kampani long ol nait shift.  
**Wikens - Sarere**  
 6am - 10:00am - Wiken Sanrais Host: Talagu Sopi  
 7am - 9am - Sarere Monin Cruz  
 9am - 11am - Monin Treks  
 11am - 1pm - National Weekly Hit Parade - Host: Kasty - 1st aua NWHP  
 12:00pm NIUS - YUMIFM Nius Senta  
 12pm - 1pm - 2nd aua NWHP

Sarere belo cruz - Host: Tuluvan Vitz  
 1pm - 2pm - Sarere Belo Taim Dedikesen NIUS - YUMIFM Nius Senta  
 2pm - 6pm - Sarere Avinun Cruz NIUS - YUMIFM Nius Senta  
 6:00pm - Nait beat  
 6pm - 00:00am - Coca Cola Garamut  
 7pm - 9pm - Nait cruz  
 9pm - 00:00am - Nait cruz  
 00:00am - 6am - Brukim Tulait Show  
**Wiken - Sandei**  
 6am - 10am - Wiken Sanrais / Sandei Monin wokabout Musik  
 10am - 12noon - Monin Treks  
 12noon NIUS - YUMIFM Nius Senta  
 12 - 2pm - Sandei Belo Taim Music NIUS - YUMIFM Nius Senta  
 2:00pm - Sandei Avinun Draiv Music  
 2pm - 6pm - Nius - YUMIFM Nius Senta  
 6pm - 8pm - GOSPEL REKWES AUA  
 8pm - 00:00am - Late Nait Cruz - Poroman Aua  
 00:00am - 6am - Brukim Tulait Show  
**Program Director - YUMIFM - Kasty**

**RADIO AUSTRALIA TOK PISIN PROGRAM HARIM LONG: 101.9 FM**  
 6AM Stesen Op - Nius Hettain - Musik na ol intaviu  
 6.30AM Nius na Karent Afes  
 7AM Stesen Pas  
 7PM Stesen Op  
 7.01PM Ol Hettain na Program Priviu  
 7.15PM Spots  
 7.30PM Nius na Karen Afecas  
 8PM Helt  
 8.15PM Musik  
 8.30PM NIUS  
 8.40PM Spots Riplei  
 8.55PM Musik  
 9PM Stesen Pas

**TUNDE - Moning - Nait**  
 6AM Stesen Op - Nius Hettain - Musik na ol intaviu  
 6.30AM Nius na Karent Afes  
 7AM Stesen Pas  
 7PM Stesen Op  
 7.01PM Ol Hettain na Program Priviu  
 7.15PM Musik na Chit-Chat  
 7.30PM Nius na Karen Afecas  
 8PM Mama Graun  
 8.15PM Musik/Spots  
 8.30PM NIUS  
 8.40PM Helt Riplei  
 8.55PM Musik  
 9PM Stesen Pas

**TRINDE - Moning - Nait**  
 6AM Stesen Op - Nius Hettain - Musik na ol intaviu  
 6.30AM Nius na Karent Afes  
 7AM Stesen Pas  
 7PM Stesen Op  
 7.01PM Ol Hettain na Program Priviu  
 7.15PM Musik na Chit-Chat  
 7.30PM Nius na Karen Afecas  
 8PM Focus  
 8.15PM Musik/Spots  
 8.30PM NIUS  
 8.40PM Mama Graun Riplei  
 8.55PM Musik  
 9PM Stesen Pas

**FONDE - Moning - Nait**  
 6AM Stesen Op - Nius Hettain - Musik na ol intaviu  
 6.30AM Nius na Karent Afes  
 7AM Stesen Pas  
 7PM Stesen Op  
 7.01PM Ol Hettain na Program Priviu  
 7.15PM Musik na Chit-Chat  
 7.30PM Nius na Karen Afecas  
 8PM Youth  
 8.15PM Musik/Spots  
 8.30PM NIUS  
 8.40PM Focus Riplei  
 8.55PM Musik  
 9PM Stesen Pas

**FRAIDE - Moning - Nait**  
 6AM Stesen Op - Nius Hettain - Musik na ol intaviu  
 6.30AM Nius na Karent Afes  
 7AM Stesen Pas  
 7PM Stesen Op  
 7.01PM Ol Hettain na Program Priviu  
 7.15PM Musik na Chit-Chat  
 7.30PM Nius na Karen Afecas  
 8PM Wantok  
 8.15PM Musik  
 8.30PM NIUS  
 8.40PM Youth Riplei  
 8.55PM Musik  
 9PM Stesen Pas

**SARERE - Nait**  
 7PM Stesen op - Ol Nius Hettain/Program Priviu  
 7.05PM Musik na Chit Chat  
 7.30PM Nius  
 7.40PM Wantok  
 8PM Lokal Ben  
 8.30PM Nius  
 8.40PM Musik/Chit Chat  
 9PM Stesen Pas

**SANDE - Nait**  
 7PM Stesen op - Ol Nius Hettain/Program Priviu  
 7.05PM Musik na Chit Chat  
 7.30PM Nius  
 7.40PM Femili Blong Serah (Redio Plei)  
 8PM Lukluk Bek Long Wik  
 8.30PM Nius  
 8.40PM Musik/Chit Chat  
 9PM Stesen Pas

Raun wantaim Wantok kru ...  
**PNG Idol go insait long semi fainol**

**Nicky Bernard i raitim**  
**BIKPELA resis long winim K20,000 long Lamana Hotel long singsing i kam long semi fainol bilong em statim long dispela wiken Sarere.**  
 Long wiken go pinis laspela 8-pela yangpela manmeri i traim nek bilong ol we i lukim siks pela

tasol i go insait long sem fainol. Insait long semi fainol nau i gat 18-pela manmeri husat bai traim long resis gen long go insait long fainol, dispela wiken bai namba wan grup bilong ol 9-pela bai go skelim nek bilong ol, na narapela 9-pela long wik antap.

Dispela resis Lamana Hotel i bring kamap na Niugini Ice bia i sponsarim, na wina bilong dispela resis bai kisim K20,000.  
 Planti long ol dispela lain em ol yangpela manmeri husat i gat gut-pela nek, tasol ol i save haitim ol, nau i kam ples kia long soim nek

na namba wan taim bilong ol long singsing long planti ai bilong ol manmeri.  
 Sapos yu save long wanpela bilong ol husat i wok long resis, go long Lamana Hotel olgeta Sarere na sapotim em, sapot bilong yu ken karim em go long fainol.



Henry Gewang na Natalia Maino, tupela tu wok long strong yet na stap insait long semi fainol. Poto Nicky Bernard.

**93FM YUMIFM**  
**National Weekly Hit Parade:**  
 Produced & Host by: Kasty  
 Saitiwek: Fabinjo Sophie & Poroman Crew  
 Week Ending: Saturday - 11th October 2011

Week Before	Last Week	This Week	Charting Song	Artist
1	1	1(17)	Mis u babe	Leonard Kania
2	2	2	Una Takwa	Backyards of Yangoru
3	3	3	Lavin ya tumas	Sounds of Yangaru
4	4	4	Education	Gedix Atege
5	5	5(8)	Orchid N-Luv	Leonard Kania
6	6	6(5)	Kiri O	Channel X Crew
7	7	7	Ples long Lau	Jokema
8	8	8	White Rose	Leonard Kania Jnr
9	9	9	Hidden Valley	Butuk
10	10	10	Sunamist	Leonard Kania Jnr
11	11	11	Nono Dinungra	Butuk
12	12	12	Photo	Sibela Band
13	13	13	Kaigha	Paeva fi DMP
14	14	14	Negana	Greg A'arua fi Hanley Logoso
15	15	15	Phone Call	Ava'a Ono Crew fi Theresa Cruz
16	16	16	Meri Kopek	Raiwat
17	17	17	Solvaca mori	Taina G & Sharzy
18	18	18	Empty Promise	Snippers Band fi DJ AAR
19	19	19	Meri Macobe	Logic Crew
20	20	20	Geni	Ava'a Ono Crew fi Theresa Cruz

Song In: nil  
 Out: nil

**EMTV Television Guide**

**FONDE, NOVEMBA 10, 2011**  
 5.00AM G JOYCE MEYER MINISTRIES  
 5.30AM G TODAY  
 DEPARTMENT OF EDUCATION CLASSROOM BROADCAST  
 9.00 - 9.40AM GRADE 7 MATHEMATICS  
 9.50 - 10.30AM GRADE 7 SCIENCE  
 10.40 - 11.15AM GRADE 8 MATHEMATICS  
 11.20 - 12.00PM GRADE 8 SCIENCE  
 12.30PM EMTV MIDDAY NEWS  
 DEPT OF EDUCATION CLASSROOM BROADCAST continues.....  
 1.00 - 1.40PM GRADE 6 MATHEMATICS  
 1.50 - 2.30PM GRADE 6 SCIENCE  
 2.30 - 3.00PM DEPI PROGRAMME  
 2.59PM STATION OPEN  
 3.00PM HI-5  
 3.30PM PYRAMID  
 4.00PM THE SHAK  
 4.30PM KITCHEN WHIZ  
 4.57PM EMTV TOK SAVE  
 5.00PM G HOT SOURCE

5.30PM G MILLIONAIRE HOT SEAT  
 6:00PM G NATIONAL EMTV NEWS  
 7:00PM G SPORTS SCENE  
 7.27PM EMTV TOK SAVE  
 7.30PM G RAIT MUSIK  
 8.30PM PG ELITE MUSIC ZONE  
 9.00PM G DIGICEL STARS 2 ENCORE  
 11.00PM AUSTRALIA NETWORK

**FRAIDE, NOVEMBA 11, 2011**  
 5.00AM G JOYCE MEYER  
 5.30AM G TODAY  
 DEPARTMENT OF EDUCATION CLASSROOM BROADCAST  
 9.00 - 9.40AM GRADE 7 MATHEMATICS  
 9.50 - 10.30AM GRADE 7 SCIENCE  
 10.40 - 11.15AM GRADE 8 MATHEMATICS  
 11.20 - 12.00PM GRADE 8 SCIENCE  
 12.30PM EMTV MIDDAY NEWS  
 DEPT OF EDUCATION CLASSROOM BROADCAST continues.....  
 1.00 - 1.40PM GRADE 6 MATHEMATICS  
 1.50 - 2.30PM GRADE 6 SCIENCE  
 2.30 - 3.00PM DEPI PROGRAMME

2.59PM STATION OPEN  
 3.00PM HI-5  
 3.30PM PYRAMID  
 4.00PM THE SHAK  
 4.30PM KITCHEN WHIZ  
 4.57PM EMTV TOK SAVE  
 5.00PM G HOT SOURCE  
 5.30PM G MILLIONAIRE HOT SEAT  
 6:00PM G NATIONAL EMTV NEWS  
 7:00PM G IN MORESBY TONIGHT  
 7.30PM PG THE FARMER WANTS A WIFE (SEASON FINAL)  
 9.30PM G MOUNTAIN REBIRTH  
 12.20PM AUSTRALIA NETWORK

**SARERE, NOVEMBA 12, 2010**  
 2.57PM STATION OPEN  
 3.00PM G NATIONAL SOCCER LEAGUE  
 \*LIVE\* Petro Souths v Gigira  
 Laitepo Central  
 5.00PM G LOVE PATROL  
 5.30PM G MIND YOUR BUSINESS

6:00PM G NATIONAL EMTV NEWS  
 6.30PM PG AUSTRALIA'S FUNNIEST HOME VIDEO SHOW  
 7.27PM EMTV TOK SAVE  
 7.30PM PG LEGEND OF THE SEEKER (SERIES PREMIERE) A CAPTIVATING ACTION-ADVENTURE TV SERIES  
 In a mystical land, Richard Cypher discovers his true destiny as he, a mysterious young woman, a wise old wizard and a magical sword take on the evil Darkhan Rahl.  
 Stars: Craig Horner as Richard Cypher, Bridget Regan as Kahlan Amnell.  
 7.27PM EMTV TOK SAVE  
 8.30PM PG DESPERATE HOUSE WIVES  
 9.30PM PG BROTHERS & SISTERS  
 10.30PM PG GREY'S ANATOMY  
 11.00PM G NATIONAL EMTV NEWS REPLAY  
 12.00AM AUSTRALIAN NETWORK

**SANDE, NOVEMBA 13, 2011**  
 15AM G RUGBY LEAGUE FOUR

**NATIONS\* LIVE\***  
 ENGLAND v AUSTRALIA  
 3.15AM AUSTRALIA NETWORK  
 6.30AM G IT IS WRITTEN  
 7.00AM G HILLSONG  
 7.30AM G CHIT CHAT with Sir Paulias Matane  
 AUSTRALIA NETWORK  
 7.35AM STATION OPEN  
 12.59PM G RUGBY LEAGUE FOUR  
 NATIONS - ENGLAND v AUSTRALIA  
 3.00PM G RUGBY LEAGUE TEST  
 \*LIVE\* - FIJI BATIS v PNG KUMULS  
 5.00PM G THE PACIFIC WAY  
 5.30PM G LOVE PATROL  
 6.00PM G NATIONAL EMTV NEWS  
 6.30PM G DIGICEL STARS 2 Heat 5 -  
 7.30PM G 60 MINUTES  
 8.27PM EMTV TOK SAVE  
 8.30PM M SUNDAY NIGHT MOVIE: THE DEVIL YOU KNOW (2007) Thriller - When the DCI on the case goes into labor, Commander Clare Blake takes charge in the investigation

TORO



BIABIA



KANAGE



TOKWIN

Bravery Awod... Wanpela gutpela wok kamap i kam long CPL Grup ov Kampani long kamapim Bravery Awod bilong ol meri. Mi kirap nogut long lukim olsem Joyce Wartovo em wanpela bilong ol dispela meri i kisim awod. Long wanem, man bilong em i paitim em tumas na em tokaut long niuspepa long birua bilong em? Aiyo mi no save nau! Nau piksa bai go olsem, sapos man i paitim meri bilong em, em bai tokim meri, noken wari, bai yu kisim bravery awod long mi

paitim yu! Yu mas save, PNG i save lukim, na tanim long kainkain tok piksa!... Tasol, tenkiu long CPL long kamapim dispela gutpela wok we planti mama i hatwok long komyuniti na yumi mas givim luksave long ol!

Redi long Krismas YUMI stap long namba tu wik bilong Novemba nau, planti famili wok redi long stretim ol yet long Krismas na Nu Yia. Sampela nau wok long bukim sia bilong ol long balus long go long ples o provins bilong ol, sampela tingting nau long wanem samt-

ing bai ol mekim long dispela Krismas na Nu Yia. Planting long ol bikpela stoa i wok long bilasim stoa bilong ol na tu mekim sampela spesol long ol stoa samting bilong ol. Olgeta dispela samting em mani tasol, mani tok bai yu kalap long balus go long ples bilong yu, mani tok bai yu baim ol dispela gutpela samting long stoa, mani tok bai yu amamasim Krismas na Nu Yia bilong yu. LNG op hariap na bai yumi lukim gut nus na pes bilong dispela samting ya ol kolim long MANI.

Tokwin tasol

Table with 20 columns and 20 rows of letters for a word search puzzle.

Painim ol nem bilong ol dispela biktaun bilong yumi:

Table listing names of provinces: KAVIENG, LORENGAU, RABAU, KIMBE, BUKA, LAE, ALOTAU, DARU, POPONDETA, WEWAK, VANIMO, GOROKA, KEREMA, MENDI, WABAG, MADANG, KUNDIAWA, MAUNTEN HAGENPOT, MOSBI.

Two 5x5 grid puzzles for Sudoku.

Two 9x9 grid puzzles for Sudoku.

Ansa bilong las wik Sudoku

Large crossword puzzle grid with some letters filled in.

Ansa bilong las wik Pasol

EMTV Television Guide

Table with columns for time slots (e.g., 10.30PM, 11.00PM, 11.30PM, 12.30PM, 5.00AM, 5.30AM, 6.00PM, 7.00PM, 7.57PM, 8.00PM, 9.30PM, 11.45PM, 1.00AM) and program titles (e.g., CHIT CHAT, HILLSONG, NATIONAL EMTV NEWS, JOYCE MEYER, TODAY, EMTV MIDDAY NEWS, THE SHAK, CRIME STOPPERS, NATIONAL EMTV NEWS REPLAY, AUSTRALIA NETWORK).

Ol Progam na Kilok i ken senis oltaim...

# Skaut na Gel Gaidis kirap long Goroka

Sape Metta i raitim

**SKAITS na Gel Gaidis (Scouts and Girl Guides) long Goroka, Isten Hailans i bin stop na i kamap long mak bilong pinis olgeta, tasol wanpela non-gavman ogenaisesen husat i save go pas long helpim ol pikinini, i tromoi sapot bilong em long bringim bek long wanem em i luksave taim ol yangpela pikinini i kamap na joinim skauts na gel gaidis, ol i ken i gat dispela sans long lainim ol gutpela samting long taim ol i yangpela yet, na wanpela long dispela em disiplin.**

UNICEF em dispela Ogenaisesen we i lukim olsem i tru, ol yangpela pikinini man i mas kamap na joinim skauts na ol pikinini meri i mas wankain long joinim gel gaidis, bai ol i ken kisim ol gutpela skul na trening long taim ol i yanpela yet, na tu, long taim ol i groap ol i ken kamap

manmeri na sindaun gut long ol wanwan komyuniti bilong ol long bihain taim.

UNICEF Menesa long Isten Hailans, David Glama, husat i bin wok hat tru long bringim bek gel gaidis na skauts gen long Goroka, i tok, wankain olsem ol disiplinari fos, skauts na gel gaidis tu em bai ol i ken kamap olsem.

Em i tok long yia i go pinis, skauts na gel gaidis i bin stap na ron gut, tasol nogat ol luksave na sapot olsem na em i stop na i wok long kamap long mak bilong pinis olgeta, "tasol UNICEF Ogenaisesen i kamap na bringim skauts na gel gaidis i go bek long mak we tupela bai ken go het na wok strong nau, dispela taim long bikipela we, long wanem UNICEF bai go het yet long stap baksait long ol na sapotim ol."

Glama, husat i bin toktok long wanpela greduesen seremoni bilong ol skauts na gel gaidis, i no long taim i go pinis i tok long nau



**KISIM NAMBA:** Menesa bilong UNICEF long Goroka, David Glama, i kisim luksave na kisim namba olsem Provinsel Komisina. Na James Uvisa husat em Rijenal Komisina (trening) long Momase rijen, i givim dispela namba long em long Goroka i no long taim i go pinis. *Poto: Sape Metta*

yet taim skauts na gel gaidis i kirap gen, sans em i kamap tu long ol yangpela long ol skul na tu long arapela pikinini husat i save stap long taun, viles na setelmen komyuniti we ol ken kamap, joinim na tekpat long ol gutpela ektiviti we bai ken helpim ol long nau na long bihain taim tu.

"Ogenaisesen bilong mipela i luksave olsem ol yangpela pikinini i nid long kamapim sampela gutpela samting long helpim ol yet, so olsem ol pikinini long taim ol joinim skauts na gel gaidis, o liken kisim skul na trening na

lainim ol gutpela samting. Na taim ol mekim olsem ol i ken senisim tu pasin bilong ol na kamap gutpela man na meri insait long wanwan komyuniti bilong ol," Glama i tok.

Em i tok, ol pikinini i gat bikipela laik tru long joim gel gaidis na skauts tasol ol i no bin mekim olsem, long wanem nogat gutpela luksave na sapot. Tasol nau wantaim sapot bilong UNICEF, ating i luk olsem wok bilong skauts na gel gaidis bai ken go het gut.

Glama, husat i kisim luksave na

namba tu olsem Provinsel Skauts Komisina, em PNG Skauts Komisen i votim long em, i askim tu olsem, sapos UNICEF i ken givim sapot na kirapim bek skauts na gel gaidis, olsem wanem long arapela NGO, Provinsel na LLG, ol bisnis Ogenaisesen na ol arapela moa?

"Yumi bai sapotim ol pikinini bilong yumi, so long wanem as na bai yumi tok nogat long ol. Sapos yumi stopim ol, em olsem yumi stopim ol long raits bilong ol tu.

## Long-taim het tisa lusim skul wantaim wari

Paulus Tali i raitim

LONG-taim het tisa bilong Bu-mayong Luteran Sekenderi Hai Skul long Lae, Gisiwat Mangere Siniwiun, husat i wok long Edukesen Dipatmen 28 krismas na wok 26 yia olsem tisa i pinisim wok tisa bilong en.

Siniwiun em wanpela man husat i stap klostu wantaim sios Luteran, na planti Kristen ol save em Songan na tu, em i tisa.

Long tok gutbai kaikai bilong em, Ekting Provinsal progrem etvaisa bilong Morobe, Joe Solulu, husat i kamap na tok amamas long bikipela wok Mista Siniwiun i mekim long edukesen dipatmen bilong Morobe, na tu long sios, i givim luksave long wok tisa bilong em, olsem wanpela pikinini bilong Morobe yet.



## Em i no man nating

Em i gat namba long ekt, raitim ol singsing, singsing lid singa long ben bilong em Jojako, na mekim ol pikinini lap. Taim em i save paia stret, em ol manmeri no save isi long lap long em.

Em namba bilong Omokoi long Goroka, na nem bilong en, em JJQ-Pani man.

## Martin Luther Semineri graduesen kam klostu

Pasto Gendi Mui i raitim

MARTIN Luther Semineri em i haia tiolojikol skul bilong Luteran Sios long Papua Niugini.

Em i save ofarim ol kos bilong kamapim pasto na wok lepesen long sios na komyuniti.

Long dispela yia 2011, 8-pela sumatin olgeta i redi long graduet.

Sevenpela man bai graduet wantaim Diploma long Tioloji, na wanpela meri wantaim Diploma long Ministri.

Ol sumatin save

kam long ELC-PNG na GLC-PNG na arapela menlain sios olsem Angliken.

Prinsipal bilong Martin Luther Semineri, Dokta Michael Wan, i tok, "Greduesen bai kamap long Sande 20 de, mun Novemba, long MLS Sapel o haus lotu.

Olsem na ol Kristen komyuniti, na distrik, ol famili na pren na distrik laik kisim nupela greduet i ken kamap long dispela taim na lukim na selebret wantaim ol."



**NEM:** Kisip Kembo  
**KRISMAS:** 19 (man)  
**ADRES:** ST. John De Baptist Primary School, P.O. Box 220, Kerema Gulf Provins  
**SAVE LAIKIM:** Pilai spots, watsim muvi, go Lotu, ridim buk na mekim pani

**NEM:** Isaiah Bonga  
**KRISMAS:** 28 (man)  
**ADRES:** P. O. Box 407, Popondetta, Oro Provins  
**SAVE LAIKIM:** Pilai Voli bol, Tas ragbi, pilai gita, lukluk TV( NRL), raitim pas, mekim na go Lotu

**NEM:** Rian Monghongho Alphonse  
**KRISMAS:** 18 (man)  
**ADRES:** Aniep Village, C/- ST. Mary's, P.O. Box 125, Leitre, Vanimo, Sandaun Provins  
**SAVE LAIKIM:** Harim musik, pilai soka, voli-bol, basketbol, go Lotu na mekim pren

**NEM:** Anestine Funumari  
**KRISMAS:** 18 (meri)  
**ADRES:** Notre Dame Secondary School, P.O. Box 164, MT Hagen, WHP  
**SAVE LAIKIM:** Ridim Baibel, singsing, harim musik, pilai basketbol, netbol, mitim ol poroman na lukluk TV.

**NEM:** Koron Amun  
**KRISMAS:** 25 (man)  
**ADRES:** P.O. Box 3079, Lae, Morobe Provins  
**SAVE LAIKIM:** Harim musik, pilai Kompyuta, ridim buk na mekim pren

**NEM:** Kaiya Yoan  
**KRISMAS:** (man)  
**ADRES:** C/- Bema Primary School, P.O.Box 37, Kerema Gulf Provins  
**SAVE LAIKIM:** Pilai soka, mekim Jokes na pilai volibol wantaim ol poroman

**NEM:** Ruben Yawa  
**KRISMAS:** 18 (man)  
**ADRES:** Muli Primary School, P.O. Box 69, Mendi, SHP  
**SAVE LAIKIM:** Harim musik, pilai soka, basketbol, volibol, ragbi tas na mekim pren wantaim wanpela Lotu man o meri

**NEM:** Stanson Petiti  
**KRISMAS:** 20 (man)  
**ADRES:** C/- BSC ANZ Bank ( PNG) Ltd, P. O. Box 1152, Port Moresby NCD Papua Niugini  
**SAVE LAIKIM:** Pilai Gita, ridim Baible, mekim fani na stori wantaim ol poroman

**NEM:** Joel Kenis Amaekam  
**KRISMAS:** 29 (man)  
**ADRES:** Huon Gulf, Lae 411, P.O. Box 164 Lae, Morobe Provins  
**SAVE LAIKIM:** Mekim fani, eksasais, pilai lilik, pilai ukulele, gita, singsing, skerim tok wantaim narapela liklik, ritim baibel, komik, harim Radio Lait na Katolik FM, na painim wanpela meri long maritim na stap oltaim.

**NEM:** Anne Mary Yuwei  
**KRISMAS:** 21(meri)  
**ADRES:** Pes Primary School, P.O. Box 36, Aitape, Sandaun Provins  
**SAVE LAIKIM:** Pilai soka, Volibol, mekim pani, go Lotu, harim musik na watsim TV.

## Raun wantaim Kanage olgeta wik

### Beng! Wanpela tinpis I kam...

Ankol Kanage em wanpela ankol bilong dinau stret long ol liklik taka boks long haus yet. Ankol Kanage i wok long mekim dispela dinau pasin bilong em i go na ol stoa kipa i bel kas kas long em pinis.

Taim ol stoa kipa i lukim olsem ankol Kanage i kam long stua bilong ol, ol i save hait o go arasait. Wanpela taim ankol Kanage i go long dinau long taka boks we em i gat step leda long en i stap. Stua kipa em i lukim Kanage long we yet na em i go hait aninit long kaunta. Ankol Kanage i kam lukim olsem nogat stoa man tasol em i save olsem stua kipa em i hait i stap. Yu save, ankol Kanage ya, em i giaman long pairapim step leda i go daun tasol isi isi tru i kamap antap gen na wetim kipa long kaunta i stap. Taim stoa kipa isi tru apim het long spaim Kanage, ankol



Kanage i makim long pinga tasol na tok, "Beng! Wanpela tinpis i kam." Ankol Kanage em ankol Kanage. No play up.

UPNG  
POM SITI

BULOLO  
MORobe

### Jeles long plet bilong em

...  
 Wanpela nait Mr Johnson wantaim famili bilong en i askim Kanage long go kaikai wantaim ol long Karanas. Taim Kanage kamap, ol i amamasim em na welkamim em i go long kaikai tebol.

Taim ol i sindaun na kaikai i stap, wanpela dok bilong famili i wok long lukluk strong long Kanage i kaikai i stap. Kanage tait long kaikai na em

tu lukluk strong long dok i stap. Na Kanage i kirap na askim Mr Johnson long wai na ol dok bilong en i wok long lukluk strong long en i stap.

Mr Johnson i bekim long Kanage olsem, "Noken wari long ol. Ol jeles long wanem yu kaikai long plet bilong ol."

**Ol skwat!**  
 Salim ol gutpela Kanage tok pilai i kam long:  
 Kanage Tok Pilai  
 P.O. Box 1982,  
 Boroko, NCD  
 Port Moresby.  
 Email: atolire@wantok.com.pg

## Sevis i no go long ol pipel long ples

*Dia Laipain,  
 MI WANPELA yangpela man i gat 30 krismas na mi bin pinisim Gret 12 long wanpela Nesenel Hai skul long kantri 5-pela yia i go pinis.*

*Mi no bin laik painim wok o skruim skul bilong mi i go moa yet, tasol mi bin go bek long ples long helpim famili bilong mi long wok long graun bilong mipela.*

*Tru, ples bilong mi i stap long rurel eria longwe long taun, tasol mi amamas long mekim ol samting long ples na stap wantaim ol pipel bilong mi.*

*Wari mi gat long en em, mi wok long harim planti toktok long daunim kraim, HIV/AIDS na ol sevis i go long ples, na ol narapela i kam long gavman, ol NGO, ol sios na ol narapela stekholda. Long mekim dispela ol samting, ol i save holim ol wok-sop ma konprens insait long ea kondisen hotel rum na risot olgeta yia.*

*Wari bilong mi em wanem taim bai ol ples i kisim ol sevis na tu, wanem taim ol bai holim ol kain konprens olsem long ples na pipel i ken go insait long ol?*

*Laipain, i luk olsem planti mauswara tumas na nogat kaikai bilong ol na bai yumi mekim olsem long narapela 34 krismas i kam? Nau yet, ol pipel i les na ol i wok long go turangu tasol.*

### CONCERNED YOUNG MAN

**Dia Concerned Young Man,**  
 Mipela i amamas olsem yu rait i kam long Laipain long serim wari bilong yu wantaim mipela long ol samting i ken kamapim gutpela samting o hevi long laip na sindaun bilong pipel long dispela kantri. Mipela i luksave olsem yu makim maus bilong ol lain long ples na tu long taun na yu autim dispela wari. Mipela i amamas long yu i go bek long ples long stap wantaim ol pipel na bungim ol hevi wantaim ol long ples longwe.

Pren, mipela i sapotim yu long wok yu mekim long ples na bilong yu long skruim i go moa yet. Mipela i luksave olsem em i no isi long husat i pinisim Gret 12 long go bek long ples na



painim samting long em i amamas long mekim. Yu no tokim mipela stret wanem samting yu mekim long ples, tasol i luk olsem yu amamas long samting yu mekim i stap.

Sapos yu stap amamas long ples, yu ting em i gutpela aidia long ol narapela skul liva i go bek long ples na helpim pipel bilong ol? Mipela i bilip em i taim nau long ol yangpela pipel long bihainim samting yu mekim long kamapim senis long ples.

Mipela i lukim daunim ol kraim, HIV/AIDS na lukim olsem gutpela sevis i go long ples bai kamap sapos ol yangpela olsem yu i strongim tingting na i laik mekim ol samting bai wok gut long helpim pipel bilong yumi.

Mipela i ting olsem i moabeta sapos yu redi long rurel ples bilong yu na yu singaut long helpim, ol bai harim nek bilong yu long maunten i go long ol nambis ples na ol ailan. I moabeta yu askim ol gavman lain, ol stekholda, ol NHO, na ol sios long kam na harim yu. Yu ken tokim ol tu long noken holim ol konprens na bung long ol motel, hotel na ol risot tasol raun i go long ol ples na toktok long pipel. Tokim ol long noken mauswara nating tasol putim mani long ol eria we ol i mas helpim long kamapim gutpela sevis na go tok-tok long ol pipel long ol rurel ples.

I gat tripela level bilong gavman i stap na em long 1- Nesenel, 2- Provin-sel, Distrik na 3-Lokol Level Gavman i mas kisim sevis i go long ples.

Yu kam stret aninit long kausela husat i makim pipel. Wok klostu wantaim em long kisim ol sevis i go long pipel. Nau gavman i wok long ples bilong 50 yia i kam bai wok long aninit level i kam antap na yu ken serim ol aidia long wanem i gutpela long ol pipel na ol bai wok wantaim yu. Yu gat ol ilektet memba i gat ol EDF fan bilong pipel na ol i givim aut dispela manimak i go long ol provins long mekim ol wok. Painimaut moa long dispela.

Pren, sapos ol i no kam long yu olsem, yu stretim wanpela delegesen o grup lon g lukim ol lain long atoriti long mekim samting. Laipain i save olsem sampela Palamen memba i mekim samting long kisim sevis i go long pipel bilong ol i go olgeta lon g ol rurel eria. Sapos sampela i mekim samting i kamap, watpo na ol narapela i no inap? Ating i moabeta long rausim ol dispela memba i no wokim samting long helpim pipel, yu ting olsem wanem?

Pren, mipela i bilip olsem yu mekim raitpela samting na i moabeta long serim dispela wantaim ol narapela yangpela pipel i bin skul na i gat save olsem yu.

Mipela i lukim olsem sapos nogat man i mekim samting, ol samting i no inap wok gut. Mipela i bilip olsem ol dispela i stap long atoriti i no wokim samting stret bai kisim taim wanpela de. Ritim Buk bilong Amos, Sapta 5 ves 11 "Yu bagarapim ol turangu lain na stilim ol kaikai bilong ol. Olsem na bai yu no inap stap long gutpela haus yu bildim o dringim wain long naispela wain gaden yu bin planim."

Wanpela samting em, makim ol gutpela lida long taim bilong ileksen. Planti lida i no save bisi long ol ples lain na em i hat long save watpo pipel i save givim vot long ol. Yumi pipel tu i mas kisim kikkbek long givim vot long ol rong lida. I moabeta yu karimaut awenes long eria bilong yu na pipel i ken givim vot long ol lida i gat stretpela pasin.

*Pren bilong yu- Laipain*

Sapos yu gat wari o hevi, rait i kam long dispela etres: **Lifeline Counselling Services, P O box 6047, BOROKO, National Capital District, PNG.** Yu ken ringim opis long telepon namba 3260011 o 3261680. O sapos yu stap long NCD, kam na lukim mipela long opis bilong mipela long Waigani. Mipela i no inap putim trupela nem bilong yu long niuspepa, tasol mipela bai putim ol wari na hevi bilong yu.

Laipain



# Ramu nikel projek i redi long kamapim bikpla benefit

**RAMU Nikel Projek em namba wan nikel developmen long Papua Niugini wantaim total invesmen olsem US\$1.6 bilien. Projek ya i stap aninit long lukaut bilong ol patnas bilong China, Australia na PNG gavman na ol papagraun insait long Projek eria.**

Projek ya i gat 3-pela hap bilong en. Ol dispela em Kurumbukari (KBK) main sait we wok bilong kisim ol mineral long graun i stap long en na save stretim pastaim na tanim i go graun malumalu. Narapela eria em long Basamuk em Basamuk prosesing plant we ol mineral i save go long en na ol i save stretim gut na expotim o salim i go ovasis. Narapela samting em wanpela 135-kilomita paip plain we i save karim ol malumalu graun o slari long main eria i go long prosesing plant.

KBK main i stap long wanpela maunten we i stap long sauten sait bilong Ramu Riva veli, na dispela eria i stap 75 kilomita long saut-wes bilong Madang we operesin opis kompleks i stap long en.

Ramu Nico em kampani we i menesim dispela US\$1.6 bilien Ramu Nikel Projek long Madang provins na em menesa bilong Ramu Nikel Join Vensa na wanpela subsidari o han kampani bilong China Metalujikal Grup Koporesen (MCC). Dispela kampani i gat biknem olsem wanpela Fortune 500 kampani we i stap long tupela Hong Kong na Shangai stok eksens.

Projek bai digim na kisim ol nikel long graun na kamapim miksa bilong nikel na kobalt haidroksaide. Prosesing plant bai stretim na redim 3.2 milien tan long wan yia mineral na kamapim olsem 72,744 tan haidroxaid prodak we i gat 32,000 tan nikel na 3,300 tan kobalt. Ramu em bikpela projek tru we i ken helpim go long ekonomi bilong PNG insait long 20-yia laip bilong en. Ramu Nikel Projek i luk olsem em i ken bringim kamap moa long US\$10 bilien long PNG expot mani na sapotim gavman wantaim US\$1 bilien na ol lokal seaholda long sait long takis, pei bilong ol wokman meri na dividen peimen.

## Projek winim wol-klas mak long konstraksen

Ramu NiCo i win tru long kamapim wok konstraksen wantaim intanesenel stendet maining projek insait long moa long 2-pela yia tasol na i winim planti kain kain salens.

Insait long wol, nogat planti bikpela maining projek long kain sais olsem i bin kamapim kain konstraksen wok hariap tru long sot-pela taim. Kain spit na gutpela kain wok long sait bilong konstraksen i soim gutpela wok bilong ol wokman bilong Ramu NiCo em ol intanesenel lain na ol lokal wokman, husat i wok hat tru long lukim dis-

pela projek i gro na kamap gut. Dis-pela gutpela wok tu em tok amamas i mas go long ol lokal komyuniti husat i givim sapot na karim developmen i kamap long eria bilong ol.

Ol namba daunbilo i soim bikpela mak tru na sais bilong wok we em rekot long wok enjiniaring.

- 4.5 milien kubik mita long graun wok i pinis;
- 195,000 kubik mita simen wok em ol i putim;
- 48,000 tan metal o ain straksa wok i sanap;
- Moa long 23,000 ol masin bilong wok em Ramu NiCo i putim kamap we hevi bilong en i sanap olsem 16,000 tan;
- 227 kilomita saplai/baret nap roses paip Ramu NiCo i putim (we i go wantaim 135 kilomita slari paip plain).

Ramu NiCo i menesim Projek Developmen na konstraksen wantaim EPCMS (enjiniaring, prokiumen, konstraksen, menesmen na sapot) model. Moa long 340 kontrakta na sab-kontrakta i bin kisim wok long sait long enjiniaring, prokiumen na konstraksen. Namel long ol dispela lain em 44-pela em ol intanesenel kontrakta na 20-pela em lokal kontrakta. Moa long 5,000 pipel i bin wok long taim bilong wok konstraksen.

## Wok klostu wantaim as-tingting bilong Ramu NiCo

Insait long tupela fainol yia bilong konstraksen Ramu NiCo i stap strong wok bihainim as-tingting management bilong Ramu NiCo i kamapim we i stap aninit long Memorandum ov Agrimen (MOA) taim kampani i bringim wanem ol helpim i go long ol lokal komyuniti. Insait long sampela eria, Ramu NiCo i wok abrasim wanem samting em i mas mekim na em i helpim gut ol lain komyuniti we i nidim helpim. Planti salens i stap, tasol dispela ol gutpela wok Ramu NiCo i mekim i nidim gutpela wok bung wantaim namel long olgeta stekholda, olsem Gavman sapos Ramu NiCo i laik lukim planti gutpela developmen i kamap long bihain taim.

Long sait long wok bilong Ramu NiCo insait long komyuniti, Ramu NiCo i karimaut ol envairomen asesmen o glasim na sekim gut, bus, graun, wara na ples em i wok long en na traime stretim gut na banisim wanem ol hevi i ken kamap. Ramu NiCo i wok hat long soim ol lokal stekholda olsem Ramu NiCo i laik wok klostu na wok bung longpela taim insait long rijon.

## Ol bikpela as-ting ting bilong wok Ramu NiCo i bihainim em:

- Lukautim na was gut long bus, graun na wara na ples
- Rilokesen na kompensesen
- Wok strong long seifti long wok ples.



Basamuk rifaineri we ol bai mekim kamap nikel.



Ramu NiCo Glass Haus long Madang em bikpla opis bilong projek.



Bikpla wharf long Basamuk rifaineri.

## RAMU NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstraksen long namba tu hap bilong 2008. I kam inap nau, olgeta bikpela konstraksen wok long Kurumbukari main sait na Basamuk rifaineri i pinis, na projek i stap redi long kisim komisanim o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta

salens bilong graun na masin bilong mekim wok.

**Ol dispela namba i soim klia mak bilong wok mipela i pinisim:**

- Moa long 4.5 milien kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paip plain)

**Wanpela Ramu NiCo, Wanpela Komyuniti!**

# Solwara 1 em i namba wan maining aninit long solwara

**Aja Alex Potabe i raitim**

**OL i save rausim ges na wel aninit long solwara, tasol nogat wanpela maining i bin kamap aninit long solwara.**

Namba wan maining insait long wel aninit long solwara bai kamap long Bismak Solwara long Nu Ailan Provins PNG.

Nautilus Minerals Niugini i karim aut Solwara 1 Projek na dispela bai kamap namba wan maining long wel long rausim mineral aninit long solwara.

Long 2013, ol bai statim prodaksen.

Nautilus Minerals Inc em i nupela kampani bilong Canada. Em bai rausim wanpela mineral ol i kolim Siflo Mesiv Salfaid (SMS) aninit long 1,600 mita.

Taim ol i brukim SMS, ol bai painim Kopa, Gol, Silva na Zink insait.

PNG Kantri Menesa bilong Nautilus Minerals Niugini, Mel Togolo, i tok PNG Gavman i tok orait pinis long dispela projek bai go het.

"PNG Gavman em i 30 pesen ekwiti sa holda, na ol i givim pinis Maining Laisens na Enviromen Laisens, na givim grin lait long mipela pinis," Mista Togolo i tok.

Togolo i tok, ol i mekim stadi pinis long envairomen birua bai kamap long pis na ol arapela samting long solwara tu, na gavman i givim envairomen laisens, na tok orait long projek bai go het taim ol i lukim dispela ripot.

"Dispela hap bilong solwara em i dip nogut tru, na nogat pis i save stap long dispela kain hap. Ples em i tudak tumas. Ol pis i save stap ples klia long san long kisim kaikai," em i tok.

Nau yet Nautilus i stre-tim sip, paip, pawa rop na masin. Dispela i nambawan samting long rausim SMS kamaut long solwara.

Olgeta wokman bai stap insait long sip antap long solwara, na yusim rimot kontrol long operetim ol masin i stap aninit long wara.

Ol bai joinim pawa rop i go daun long masin, lukluk long kompiuta na kontrolim long baten tasol.

Masin aninit long wara bai yusim paip long salim SMS i go antap gen long sip, we ol arapela bikpela sip bai kisim na karim i go long Rabaul.

Long Rabaul ol bai salim i go ovasis. Tasol Togolo i no tok wanem kantri stret bai baim dispela mineral.

Nautilus Minerals i gat eksploresen laisens long Solomon Ailans, Fiji, Tonga na Nu Silan.

## Liklik Bisnis...



**Nicky Bernard i raitim**

BIKPELA san i wok long kamap insait long sampela ol provins long kantri bilong yumi long Papua Niugini. Taim ples i hot bai yu tingim long painim wara long kolim nek bilong yu.

Planti long ol mama na ol meri i long ol provins, nau i kamapim liklik bisnis bilong ol wantaim kol wara na ol tang jius dring we ol save blokim long bokis ais na bihain putim long ol eski bilong ol na sidaun long maket ol sait bilong rot na

salim.

Dispela liklik bisnis save helpim tru ol manmeri na sumatin taim ol pilim nek drai, dispela wara na tang em save kisim profit long wanem, wara ol mama save kisim tasol long wara saplai, tang jius em 80 toea na wan kina long wanpela paket long sampela stoa.

Tang jius em yu ken pulapim long 5-pela botol koka kola long wanpela paket tang, taim yu salim long wan kina yu bai kisim sampela gutpela profit, ais wara yu salim long 50 toea

**Wara na Tang jius dring helpim planti pablik long taim bilong san**

**KAM KOLIM NEK:** Tupela yangpela meri Manus, Vero na Marie Geleya save salim wara na Tang juis long bikpela san long Renbo maket, tupela save helpim tru ol manmeri na pikinini long taim bilong san

em yu kisim profit nating tru.

Sampela mama save baim ol emti kontena bilong koka kola na sampela wara kontena long 6 na 12-kina long ol man husat save salim, dispela tasol em ol bai lusim liklik mani bilong ol long en.

Planti lain long ol liklik provins nau i wok long mekim dispela liklik bisnis wara na Tang, long ol bikpela siti bai yu lukim olgeta pilai graun, maket na skul ples em mama sindaun wantaim eski na salim kol wara na Tang jius.

# Sevim moa mani long Courts stoa

**Nicky Bernard i raitim**

YU kam sevim moa mani long Courts stoa taim yu go long baim ol samting ol i salim, na dispela ol sevim bai go inap long krismas.

Courts stoa i mekim olsem long helpim ol kastoma bilong em long go insait long bikpela dro bilong ol, we bai kamap long Desemba 24 long dispela yia.

Dispela bikpela stoa bilong ol samting olsem TV, Redio, bet bilong slip,

materes, wilwil, ol samting bilong kuk, na planti moa, i wok long mekim ol spesol prais long sampela ol samting bilong ol.

Ol i givim liklik buk we ol samting ol salim long spesol prais i stap insait long en, na dispela buk bai ken helpim yu long baim wanem samting stret yu laikim.

Sapos yu baim wanpela samting long Courts, nem bilong yu bai go insait long bikpela dro we ol bai droim ol bikpela prais olsem haus, kar, balus

tiket na planti samting moa.

Olgeta dispela prais wanwan bikpela kampani i sponsarim, Niu Homes i givim haus, Boroko Motors i givim wanpela kar, Air Niugini givim balus tiket, Fone Haus, Carpenters Hardware, Carpenters Estates, Daltron, KK Kingston, Globe na Courts yet.

Dispela olgeta prais i kamapim mani mak bilong K250, 000, wanwan manmeri bai gat sans long winim.



**Bikpela prais na winmoni long Courts Accumulator promosen.** Foto Nicky bernard

## EARLY BIRD CHRISTMAS SALE

Port Moresby ↔ Sydney	<b>K 639</b> (includes GST)
Port Moresby ↔ Melbourne	<b>K 759</b> (includes GST)
Port Moresby ↔ Perth	<b>K 999</b> (includes GST)
Port Moresby ↔ Brisbane	<b>K 369</b> (includes GST)
Port Moresby ↔ Lae	<b>K 199</b> (includes GST)
Port Moresby ↔ Mt. Hagen	<b>K 269</b> (includes GST)
Port Moresby ↔ Alotau	<b>K 229</b> (includes GST)
Port Moresby ↔ Popondetta	<b>K 169</b> (includes GST)
Lae ↔ Goroka	<b>K 99</b> (includes GST)
Wewak ↔ Mt. Hagen	<b>K 199</b> (includes GST)
Rabaul ↔ Kimbe	<b>K 159</b> (includes GST)

Fares are one way and for travel between 09th November 2011 and 07th December 2011 and 16th January 2012 to 29th February 2012. Terms and conditions applicable to WILD class fares apply. Sales period is 09th November 2011 to 20th November 2011.

**Availability is limited**

Call 16111 (from your digicel phone) or visit [www.apng.com](http://www.apng.com)

**Airlines PNG**  
COME FLY OUR WAY

- PORT MORESBY** - Level 1, Pacific Place, 321 3400
- MT. HAGEN** - Central Highlands Printers, 542 0662  
- Kagamuga Airport, 542 2732
- LAE** - Micro Bank Haus, Fifth Street, 479 5980
- POPONDETTA** - Top Town (opp. Memorial Park), 629 7638
- ALOTAU** - Preston White Street, 641 1288
- GOROKA** - Airport, 532 2532
- TABUBIL** - Airport, 649 9171
- KIUNGA** - Airport, 649 1125
- MADANG** - Global Travel, 422 0011
- KIMBE** - Kimbe Travel Centre, 983 5802
- RABAU** - Rabaul Hotel, 982 1999





**KILIA:** Kumul lok fowet, Glen Nami traim long rausim birua bilong em bilong Fiji long namba tu tes bilong ol las wik Sande long Mosbi. PNG win 26-0. **POTO: Andrew Molen.**

**SAPOT:** Ol Kumuls i tok amamas long ol PNG sapota long pilaia graun. **POTO: Andrew Molen.**



**KEPTEN:** Paul Aiton i go pas long salens bilong ol Kumuls. Em i wangepa ova-sis pilaia tasol insait long tim. **POTO: Andrew Molen.**

**RONIM BAL:** PNG hap bek, Dion Aiye i painim man long givim bal. **POTO: Andrew Molen.**



**GO YET:** PNG prop fowet, Rodney Pora i bin strong tru agensim ol Fiji. **POTO: Andrew Molen.**

**YU LAIK GO WE:** Wangepa Fiji pilaia i laik ronawe long ol Kumuls. **POTO: Andrew Molen.**

**TOKSAVE:** Salim ol spots dro bilong yu kam long Feks; 325 2579, e-mel;[amolen@wantok.com.pg](mailto:amolen@wantok.com.pg) o kam lusim long Wantok Niuspepa opis long Central Waigani, NCD.



**SANAP:** Ol PNG Kumuls wantaim yunifom bilong kantri, i luk nais tru taim ol i singim Nesenel singsing bilong kantri bipo long gem. **POTO:** Andrew Molen.

# Kumuls i gat planti wok long redi long 2013

**Bustin Anzu i raitim**

**MASKI** Telikom Papua Niugini Kumuls i mekim gutpela win agensim Fiji Batis long las wik Sande, ol i gat bikpela wok yet i stap.

Long poinim finga na tok planti bilong ol dispela pilaia em nupela long tim, em i no gutpela as bilong menesmen long tok.

Dispela pilai em i wanpela bikpela pilai, wanpela Nesenel pilai bilong ragbi lig insait long kantri, tasol pilai bilong ol i olsem wanpela gem insait long PNG NRL.

Planti lusim bal, sampela pilaia i raun nating long fil, i no wokim takol na i no save long putim trai tu, maski kosa, Adrian Lam i mekim sampela senis long taim bilong pilai, bihain tasol long lus bilong ol long Kagamuga So Graun long Hagen long wik bipo.

Ol i mas mekim sampela samting nau yet sapos ol i laik soim pes long 2013 Wol Kap long Ingran.

Long Hagen, ol Kumuls i lus 24-12 na dispela em i namba wan taim bilong ol long lus agensim Fiji.

Na ol Fiji amamas nogut tru long ol i winim ol asples.

Dispela i mekim PNG i lukluk moa long dispela pilai long Mosbi olsem ol i mas winim.

Na tru, ol i win na dispela sem bilong ol long lus i go daun.

Sem bilong Lam tu i go daun na em i

amamas long dispela win bilong tim bilong em.

Long dispela pilai, i gat wanpela ovasis pilaia tasol insait long Kumuls tim, na i no olgeta olsem taim ol i pilaim Praim Minista 13 Australia Kangaroos long Lae long las mun.

As bilong dispela em long traime givim ol asples pilaia sampela luksave long ol kain bikpela pilai olsem.

Sampela bilong ol i no pilai long posisen we ol save pilai long en, long dispela gem long Hagen.

Olsem na i luk olsem ol i paul long pilai liklik.

Fiji no bin winim PNG Kumuls long asples bilong ol long ol planti gem ol i bin pilai kam.

Tasol long 2012 long namba wan Sun Engineering Kap tes long Papua Niugini, ol i winim dispela pilai na amamas i kilim ol wan sait.

Dispela hevi bilong Kumuls long lus bilong ol long Hagen i bihainim ol i kam long Mosbi.

Ol i daunim dispela hevi long taim bilong trenim na long pilai las wiken, ol i mekim sampela gutpela senis na winim dispela pilai, 26-0.

Long 2013, sapos PNG Kumuls i min bisnis long dispela Wol Kap, ol i mas luksave long pilai bilong ol yet na pilai bilong ol man husat i stap pilai long ovasis.

Na kamapim wanpela strongpela tim, we bai stap olgeta taim long pilai wantaim.

Dispela pasin i no save kamap long ol

pilaia taim ol i kamap Kumul.

Taim ol i harim olsem ol i stap na werim dispela blek, gol na ret yunifom, ol i no moa stap long graun.

Em i olsem ol i flai antap long kilaut stret. Olsem na planti bilong ol i no save stap long taim insait long Kumuls tim.

Long dispela as na olgeta taim, ol i mas senisim tim long painim ol nupela pilaia wantaim nupela posisen.

Dispela pasin i kamap long dispela pilai bilong ol agensim ol Melanesia brata bilong ol, Fiji, ol i no pilaim wanpela gutpela gem plen.

Ol i pilai wanwan man em yet.

Insait long 10-pela minit insait long namba wan hap, ol i kisim taim.

Ol i laik statim long namba wan taim ol i go insait long gem, tasol ol Batis i nilim ol long hap bilong ol na ol i painim hat.

Na dispela i mekim ol Kumuls pilai long strong bilong ol yet na i no olsem wanpela tim.

Taim trai kamap, ol i go bek long narapela gem plen we i lukim tupela moa trai bipo long hap taim.

Wankain insait long namba tu hap bilong pilai.

Sapos PNG mekim dispela kain pilai long bihain taim, em bai ol i lus moa yet.

Long dispela as, ol Kumuls i mas kamapim sampela strongpela pasin na we bilong pilai.

Narapela samting long dispela gem long Mosbi, em wanpela gutpela trai we Jessie Joe Parker i laik putim taim em i abrusim

olgeta pilaia.

Em i nap long skoa tasol em i laik stailim em yet na i pundaunim bal aninit long gol pos stret, long trai lain bilong ol Batis taim em i kalap i go antap tru na i kam daun.

Refri tok nogat trai.

Dispela em wanpela klia asua, we Kumuls i noken mekim taim ol i gat sans long putim trai olsem.

Kumuls i win tasol dispela trai em wara i wasim nating.

Na sapos ol i lus long 4-pela o 6-pela poin, em bai ol i tok wanem long haitim dispela asua?

Ol i amamas, krai na fani na lus tingting tasol sapos ol i lus, bai ol i sem pipia long asples bilong ol yet long dispela trai bilong Joe Parker we em yet i bagarapim long bikhet bilong em.

I gat wok long mekim long painim wanpela gutpela na strongpela tim long ol bikpela pilai bilong Kumuls long bihain taim.

Kosa, Lam, wantaim ol tim menesmen na ol selekta i mas bungim olgeta pilaia bilong ovasis na lokol yet na skelim, husat i gutpela long wanem posisen na putim ol long dispela hap.

Ol ovasis pilaia em bai kepten Paul Aiton bilong Cronulla Sharks, David Mead bilong Titans, Ray Thompson na James Segeyaro bilong North Queensland Cowboys na Neville Costigan bilong Newcastle Knights long Australia, na Makali Aizue na Menzie Yere, sapos tupela i no lapun hariap, long ples bilong Misis Kwin (England).



**AMAMAS:** Ol Kumuls i amamasim trofi ol i winim agensim Fiji las wik Sande long Mosbi. **POTO:** Andrew Molen.



**NAMEL MAN:** Ol Kumuls i amamasim kosa bilong ol, Adrian Lam bihain long gem. **POTO:** Andrew Molen.



**ISI TASOL:** Wanpela Kempa pilaia i kat6im bal i go lng sait long NCD kriket gem bilong ol agensim Monier KCC long Amini Park, las wik Sarere. **POTO:** Andrew Molen.



**REDI STAP:** PNG tim pilaia (lephan) bi bungim kepten bilong narapela tim long wanpela intanesenel gem bilong ol. PNG tim i wok long redi long olimpik kwalifaia gem bilong ol i stap. **POTO:** PNGFA.



**BRUKIM:** Kumul fowet, Rodney Pora i laik brukim banis bilong tupela Fiji pilaia. **POTO:** Andrew Molen.

# Civoniceva gat bikpela salens

BIPO kepten bilong Penrith, Petero Civoniceva, i gat bikpela salens taim em i go bek gen long Brisbane Broncos long 2012.

Em i mas wok hat nau long traim na winim ples bilong em insait long 17-man skwat bilong Broncos.

Civoniceva i tok dispela i mekim em i pilim olsem em i wanpela nupela pilaia gen.

Tasol em i bilip em i ken go insait yet bihain long em i kisim bagarap na i no stap insait long 4 Nesens tim bilong Australia dispela yia.

Em i tok dispela bai givim em taim long trening na redi gut long pilai.

Civoniceva i pilai 45 tes bilong Australia na 30 Stet Ov Orijin gem bilong Kwinslen pinis tasol i nogat tok klia olsem em bai stap insait long 17-man skwat bilong Broncos taim 2012 sisen i stat neks yia.

Em bai resis wantaim ol arapela fowet long klap olsem Ben



**EKSPIRIENS:** Civoniceva i gat planti ekspiens long gem, tasol em bai wok hat yet long kisim ples insait long tim.

Hannant, Josh McGuire, Scott Anderson, Mitchell Dodds na Nick Kenny.

“Mi bai gat bikpela salens tru long traim na go insait gen long dis-

pela 17-man skwat,” Civoniceva i tok.

Nau yet, em i malolo

bihain long em i kisim operesen long stretim sampela bagarap long ol

masol long bros bilong em.

“Mi pilim olsem mi stat nupela gen long pilai.

“Mi bin pilim olsem taim mi go long ol Panthers long 2008 na nau mi pilim wankain gen,” Civoniceva i tok long salens bilong em.

Civoniceva, 35 kris-mas, i bin statim gem bilong em wantaim ol Broncos long 1998 na i pilai moa long 200 NRL gem pinis.

Nau em i amamas olsem em bai pinisim gem bilong em wantaim tim we em i bin stat wantaim bipo.

“Em i gutpela long kam bek long ples mi bikpela long en.

“Mi ting bai mi pinis pilai long Penrith tasol gem i kisim mi kam bek long Brisbane na mi amamas tasol long kam bek,” em i tok.

Civoniceva i amamas long pilaia wantaim ol nupela yangpela pilaia bilong Broncos na i laik bai ekspiens bilong em i ken helpim gut tim long 2012.

# PNG weitlifting sot long ol man pilaia

Andrew Molen i raitim

PAPUA Niugini Nesenel Weitlifting tim i sot long ol man pilaia long makim kantri.

Kosa bilong tim, Douglas Mea, i tok em laikim planti moa man long joinim dispela spot bai ol i ken go insait long nesenel tim tu.

"Nau yet mi get 4-pela man tasol long PNG na planti meri tru," Mea i tok.

Namel long dispela ol man em Komonwelt Sempion, Steven Kari husat i stap na trening nau long Nu Kaledonia.

Mea i tok em i laikim 4-pela moa man long kisim namba bilong ol i go antap long 8 bipo em i kisim ol i go pilai long Osenia Sempionsip long 2012.

"Nau yet mipela i wok long painim hat long putim planti man i go insait long nesenel tim long pilai long ol bikpela gem olsem bilong wanem i nogat planti man i pilai dispela spot insait long PNG," em i tok.



**MAN TASOL:** Mea (namba tu long lephan sait) wantaim tripela man weitlifita bilong em, Morea Baru (lephan), Fred Oala na Toua Udia. **POTO:** Andrew Molen.

Presiden bilong PNG Weightlifting Federation (PNGWF), Se John Dawanigura, i tok dispela hevi bai go daun bihain taim bilong wane mol i wok long sampela ol

progrem long kisim moa man-meri long ol arapela provins tu i go insait long dispela spot.

"Taim mipela i kamapim Nesenel sempionsip nau bai mipela i ken gat sans long

makim planti moa pilaia long makim kantri.

"Dispela ol pilaia husat i stap long nesenel tim pinis bai salens wantaim ol arapela long traime na winim bek ples bilong

ol long stap insait long tim olsem na ol i mas trening na stap," Se John i tok.

Em i tok ol wok i kirap nau long kamapim wanwan komiti bilong narapela 7-pela provins insait long kantri we ol i laik kisim weitlifting i go long en.

Namel long dispela ol ples em Lae, Kimbe, Hagen na Goroka.

"Mipela i gat ol bipo weitlifita i stap long dispela ol ples olsem Livingston Sokoli bilong Lae, Pembu Kusue bilong Kimbe na Moses Wak bilong Hagen, long lukim na ronim dispela spot long hap," Se John i tok.

Em i tok ol i laik kamapim dispela ol arapela asosiesen long wanwan provins hariap bai ol trening na gem i ken kamap bai ol i ken painim planti moa gutpela pilaia na salim ol i go long trening.

"Taim 2015 i kamap, mipela i laik i gat planti gutpela weitlifita long makim PNG long Pasifik Gems we bai kamap hia long PNG," Se John i tok.

Long wankain taim

PNGWF i tokaut tu long Trinde dispela wik olsem mama spona bilong ol long moa long 15 yia, Trukai Industries, i tok orait long stap yet olsem mama spona bilong ol long sampela moa yia i kam.

"Mipela i amamas long gutpela wok na rekot bilong weitlifting, ol i kamapim planti gutpela samting long kantri na mipela i amamas tru long ol win bilong ol.

"Hatwok na pilai bilong ol i wankain olsem het tok bilong mipela, 'Health, Strength and Energy'," Nesenel Maketing Menesa bilong Trukai, Pamela Penrose, i tok.

Se John i tok dispela yia i bin gutpela yia bilong weitlifting, we i stat long Arafura long Mas na i kam pinis long Pasifik Gems long Nu Kaledonia long Septemba.

"Mipela i laik mekim wankain samting long 2012 wantaim Osenia Sempionsip na tu long lukim sapos sampela bilong mipela bai go insait long Olimpik Gems long London tu," em i tok.

# PNG meri makim Olimpiks

Andrew Molen i raitim

OL sempion bilong Pasifik Gems soka bilong ol meri, Papua Niugini, i wok long redi nau long traime na go insait long Olimpik Gems we bai kamap long London long 2012.

Tasol dispela wokabaut bilong ol bai no inap isi bilong wanem ol i gat tupela bikpela gem long winim pastaim bipo ol i ken go.

Namba wan pilai bilong ol bai kamap long Olimpik Kwalifaia long Fiji long Mas 12 i go long 24 long 2012.

Bihain long dispela gem bai ol i pilaim Nu Silan.

Trening bilong PNG tim i wok long kamap nau long Lae na Mosbi we planti ol pilaia i stap long en.

Trening long Lae i save kamap long PNGFA Akademi long Tunde, Trinde na Fonde na long Mosbi em i save kamap olgeta Trinde na Fonde long 4 kilok avinun.

Bihain long ol i makim laspela tim, bai ol i go long wanpela trening kem long Gol Kos (Gold Coast) long Australia bipo ol i go pilai long Fiji.

Het kosa bilong tim,



**WOK HAT:** Tim i mas wok hat sapos ol i laik win gen olsem long Pasifik Gems. **POTO:** PNGFA.

Steven Mune, i tok taim i sot na olgeta pilaia i mas putim olgeta tingting na strong bilong ol long trening.

"Taim i sot na olgeta nesene tim pilaia, olupela na nupela wantaim i mas wok hat long kamap na trening strong," Mune i tok.

"Olgeta pilaia long wanwan ples i mas trening na stap fit olgeta taim sapos yupela laik yumi kamapim wanpela strongpela gem long Fiji," em i tok.

Mune i kisim nesene tim bilong ol meri go long tripela Pasifik Gems we ol i winim gol medol long tripela wantaim.

Em i tok wok bilong kosim ol meri em i no isi tasol em i save strongim ol long trening hat na pilai strong bai ol i ken win.

Wankain tingting na pasin we i helpim ol long kisim dispela ol gol medol, i ken helpim ol long go insait long Olimpik Gems.

# Rebels kisim awod bilong ol meri

Andrew Molen i raitim

SEMPION netbol tim bilong Mosbi, City Pharmacy Rebels, i kisim wanpela awod bilong ol meri las wik Fonde.

PNG Gavana Jenerel, Se Michael Ogio na Siaman bilong CPL Group, Mahesh Patel, i givim awod bilong gutpela pilai bilong ol insait long spots.

Dispela presentesen i kamap insait long "Pride of PNG Awards for Women", wanpela bung we i save luksave long wok bilong ol meri insait long Papua New Guinea.

Wanwan Rebels pilaia, i kisim wanpela "Pride of PNG" gol medol long makim dispela

awod.

Ol Rebels i bin kamap sempion bilong Mosbi, bihain long ol i winim gren fainol bilong ol dispela agensim ol sempion bilong las yia, Monier Paramana wantaim 50 - 46 long Septemba dispela yia.

Ol i bin kisim maina primiasip bilong dispela yia tu, we i lukim ol i gat tupela samting long amamasim olsem ol sempion tru bilong dispela yia.

Win bilong ol Rebels i bin mekim histri tru olsem namba wan taim bilong ol insait long gren fainol na tu namba wan taim bilong ol long winim wanpela gren fainol, bihain long ol i kam insait long kompetisen 15 yia i go pinis.

Maketing Menesa bilong

CPL, Prue Go, i tok dispela i namba wan taim bilong City Pharmacy long givim wanpela spesol awod olsem insait long dispela bikpela bung bilong ol meri.

"Mipela i luksave long hatwok bilong wanwan netbol pilaia.

"Em i namba wan taim bilong dispela tim long gren fainol na ol i winim olsem na em i tru olsem hatwok bilong ol i karim kaikai," Go i tok.

"Ol i gat as tru long kisim dispela awod," em i tok.

CPL Group, husat i mama kampani bilong City Pharmacy, em i spona bilong ol Rebels tu insait long dispela netbol resis na ol i gat gutpela wokbung tu wantaim ol pilaia bilong tim inap 15 yia nau.



**SANAP STRONG:** Ol Rebels pilaia long i sanap baksait long Usha Patel bilong CPL Group, Mahesh Patel, Sir Michael na Lady Esmie. **POTO:** CPL Group.

# WANTOK SPOTS

**LAE BISCUIT CO.**

Isu 1942

Wan wik: Fonde, Novemba 10 - 16, 2011.

**NEW PREMIUM TUNA**

# DIANA

PROUDLY PNG MADE

# Kala bilong volibol bai kamap Luksave long ol nupela pilaia

**Andrew Molen i raitim**

STAT long tete i go inap long Sande bai Papua Niugini gat sans long lukim sampela ol nambawan volibol pilaia bilong kantri soim stail na kala bilong ol. Dispela ol pilaia bai stap insait long Nesenel Volibol Sempionsip we bai kamap long Mosbi.

Presiden bilong PNG Volleyball Federation, Turaho Morea, i tok ol i redi gut long kamapim dispela tonamen. "Mipela i bilip dispela bai bikpela na gutpela moa long ol arapela we i kamap bipo," Morea it ok.

Em i tok volibol e mi wanpela femili spot na ol i laik kamapim long wanpela stail we olgeta manmeri na femili tu i ken amamas long go bung na lukim.

Moa long 800 pilaia na ofisol bai kamap long dispela tonamen we ol bai pilai long 6-pela ples insait long NCD. Dispela ol ples em Taurama Leisure Centre, Kirakira, Vabukori, Tatana, Murray Barracks na Gerehu.

Ol bai pilai insait long Open na anda 21 divisen wantaim bilong ol man na meri wantaim.

80 tekniol ofisol bai lukautim ron bilong gem wantaim sapot bilong VAVA, NCDVA, Fairfax na Tatana asosien. Long dispela wik, Digicel i tokaut olsem ol bai kamap mama sponsa bilong dispela tonamen we bai mekim gem i strong moa.

Digicel i bin sponsaim ol nesenel volibol tim bilong PNG go long Osenia sempionsip long 2010 na nau ol i amamas long sapotim dispela spot gen.

Volibol i wanpela spot we i winim brons medol bilong PNG long Pasifik Gems long Nu Kaledonia dispela yia na dispela tonamen bai helpim ol tu long luksave long sampela ol nupela pilaia husat bai karim nem bilong PNG long bihain taim.

NESENEL TIM: Dispela sempionsip bai helpim long painim ol nupela pilaia bilong PNG.

**NISSAN NAVARA D22**  
4WD Double Cab Utility

**DRAW IGO**  
K 79,990

**BAIM WINIM**  
\*Condisen Aplai!

**BOROKO MOTORS**

PORT MORESBY	325 5255
LAE	472 1144
MT HAGEN	542 1933
TABUBIL	649 9048
KIMBE	983 5035
MADANG	422 2659
KOKOPO	982 8193
GOROKA	532 3552

Powerful 3.2 Litre Diesel • Air Conditioning • AM/FM Radio Cassette • Bucket Seats

Promosen stat long 1st Oktoba na pinis long 31st Decemba 2011  
Ol kastoma i baim kar, bai igat sans lo winim wanpela D22

Email: info@borokomotors.com.pg  
Website: www.boroko-motors.com